

# HEROES

EX OMNI

HISTORIA SCOTICA

lectissimi.

AVCTORE

JOHAN. JONSTONO

*Abredonense Scoto.*



LVGDVNI BATAVORVM,

Excudebat Christophorus Guyotius, sumtibus

ANDREÆ HARTII *Bibliopolæ Edinburgensis.*

clō. Io. c. III.

# HEROES

EX OMNI

HISTORIA SCOTIA

legisimil

Auctore

JOHANNES DE WYNTON

1400. 1400.

AD  
ILLVSTRES  
PROCERES  
ET CIVES

*Regni Scotici*

JOHAN. JONSTONVS.

**S**I quis vetustam gentis nostræ historiam recolat, ILLVSTRES PROCERES, & CIVES; aut in recentis ævi, Patrumque memoriam anquirat, multos inveniat egregios HEROAS, de Patriâ bené meritos, consilio providos, manu promptos, in omni fortunâ firmos, domi militiæque claros, & cum clarissimis veterum in omni virtutis laude comparandos. Qui etsi virtutibus suis & rerum  
227 A 2 gesta-

gestarum gloriâ admirabiles videantur; ta-  
men multo videri possint admirabiliores, si  
cum moribus nostris conferantur; qui in pes-  
sima incidimus tempora, vitiis prona, virtu-  
tibus infesta. Non modò virtutis gloria, &  
rectè factorum præmia desita: sed & memo-  
ria penè ipsa rerum, & memoriæ ac virtutum  
custodes & altrices literæ. Nimirum postquam  
facere laudanda, laudari etiam desimus. Ve-  
tera Majorum aut negligimus, aut damna-  
mus, de nobis & posteritate securi. Constat  
Majores vestros tempus vitæ, non in otio ad  
luxum & libidines, ad innocentum oppressio-  
nem, ad tumultus & seditiones per civilia  
discidia, sed in Heroicis & militaribus studiis  
ad bella pro pace exercuisse; in adeundis pe-  
riculis audaces, in sustinendis fortes, laudis  
avaros, vitæ prodigos. Horum virtute Impe-  
rium hoc sub gloriosis Regibus crevit. His  
præsidiiis (Regnorum præside DEO ita dispo-  
nente) stetit tot annorum decursu. His arti-  
bus difficilia & diuturna bella gesta contra  
maximos & potentissimos hostes, Brittonas,  
Romanos, Pictos, Norvegos, Danos, Cim-  
bros, Saxones: libertas fortiter defensa, ho-  
stes



stes repulsi, sæpe etiam coacti non modò de gloriâ, sed de salute etiam suâ decertare. Harum narrationum plena est omnis nostra historia. Quamvis verò intelligūt omnes, plus semper virium & industriæ Scotis fuisse ad res gerendas, quàm commentationis ad prædicandas; habuerunt tamen antiquitus & coluerunt suos Homeros & Marones: quos Bardos nominabant. Hi fortium virorum facta versibus Heroicis, & lyræ modulis aptata concinebant. quibus & præsentium animos acuebant ad virtutis gloriam, & fortitudinis exempla ad posteros transmittebāt. Neque aliud Annalium & memoriæ genus apud Germanos antiquitus fuisse, refert Tacitus lib. de Germanorum moribus. Quales autem BARDI fuerint, paucis versibus prodidit Lucanus lib. i. quibus eos sic affatus est:

*Vos quoq, qui fortes animas, belloq, peremtas*

*Laudibus in longum Vates dimittitis ævum,*

*Plurima securi fudistis carmina* BARDI.

Nonius Marcellus Nobilitatis Cantores vocat. Et Strabo rebus Heroicis & Poëticis studuisse eos narrat. quales inter Britannos olim Plenydus, Oronius, Sylvius, Teliesinus,

Nennius, Melkinus, Merlinus, Saliphilax,  
Glascyrion, & alii: Cujusmodi apud Cam-  
bros & priscos Scotos nec dum desiere. & no-  
men illud patrio sermone adhuc retinent.  
Scilicet vetustis illis temporibus, quamvis  
barbaris, fuerunt — *etiam sua premia laudi.*  
*Adeo virtutes (inquit Tacitus) iisdem temporibus*  
*optimè aestimantur, quibus facillimè gignuntur.* Sed  
ut vetusta omittam: Claruit profectò ætas  
nobis proxima heroicis & divinis viris; quos  
unà cum beatâ puræ Religionis luce excita-  
vit DEVS. qui Spiritu fortitudinis & Zelo  
Pietatis divinitus afflati, vitam, fortunas, &  
amicos, pro libertate Religionis & Patriæ  
omnibus periculis objecerunt constantis-  
simè. Quorum divina virtus ut omnium se-  
culorum prædicatione est dignissima: ita glo-  
riosum nomen cum perpetuâ recordatione  
meritorum vobis debet esse sanctissimum.  
Ab horum admiratione virtutū cœptus est  
primùm mihi hic labor, cùm ætas, ingeniũ,  
& valetudo magis vegeta essent. Studio  
vestri hũc crevit & posterorum, ad conten-  
tionem veteris & recentis gloriæ: ut ex ve-  
teri & recenti memoriâ in oculis habeatis  
dome-

domesticos virtutum duces, & hortatores ad-  
fidos ad præclaram æmulationem gloriæ:  
quique moneant, ne aut vetera Majorum ne-  
gligatis; néve de vobis, aut posteritate se-  
curos vos esse sinant. Ab illis accepistis  
vos cum ditione & opibus amplissimam glo-  
riæ hæreditatem. Vestrâ interest, omni con-  
tentione eam illibatam non modò tueri; sed  
cum incremento etiam virtutum vestrarum  
ad posteritatem transmittere. Non omnes,  
fateor, hîc ego exhibeo; etsi omnium Vir-  
tus in luce collocari meruit (quî enim potui  
omnes?) sed ex amplissimo theatro paucos;  
in quibus antiquæ gloriæ Imago cernatur:  
quæ omnes provocare possit ad par gloriæ  
certamen & Virtutis. Idem nobis studium  
in illustrandis Regibus nostris fuit. A ma-  
gnis ingeniis, quibus promptior ad hæc fa-  
cultas, hisce nostris adolescentioris inge-  
nii studiis veniam peto; ab æquis & bonis,  
spero. A vobis, PROCERES, patrocinium  
ut impetrem, æquum fuerit; quorum causâ  
hunc laborem, & ex labore periculofam  
judiciorum aleam subierim. De cetero, sic-  
ut apud Scotos laudandorum Heroum ve-  
tus

rus est consuetudo : ita vos numquam de-  
stituat æmulandi ratio , quoties Dei gloria,  
Religionis & Patriæ libertas , Regni & Re-  
gum jura , civium salus , & legum incolumi-  
tas fortem & fidelem operam à vobis de-  
poscent . Valet . Ex Academia Regiâ  
Andreapolitanâ. Propriid. Kalendas VII<sup>bris</sup>  
ANNO Christi D.N. cIo. Io. c. i.



AD IOAN.



AD IONAN. IONSTONVM

Auctorem HEROVV Epigram.

AND. MELVINI.

I

MARS sine Pallade mors: marcor sine Marte Minerva.

Pallade Mars vivit, Marte Minerva viget.  
Te sine nec Pallas, nec Mars vivitve, vigetve.  
Per te utrique redux vita, vigorque manet.  
Per quem tot, tanti HEROES vivuntque, vigentque,  
Hinc eternum, HEROS maxime, vive, vige.

II.

QVO te, IANE, loco, quâ te regione videbo  
Tot Proceres inter quos super astra vehus?  
Non uno te, IANE, loco, aut regione videbo.  
Iure omnis tuus est & locus & regio.  
Ergo omni te, IANE, loco, & regione videbo,  
Tu spectandus in his omnibus unus ades.

III.

Quisquis in hâc tabulâ, & quantus tibi pingitur Heros;  
Qualis ab arte potest, talis ab artifice est.  
Quot quoties pingis, toties te pingis in illis:  
Sed te, ex te, in te illos pingis ab Archetypo.

ICMAHOI .C

B

Tu pi-



*Tu pictura omnis; tu primaque summaque forma es.  
Quisque refert te Heros Ectypus Archetypum.*

HADRIANI DAMMANIS

à Bystervelt.

Εὐχ' αἰετὴ φλέγγ' ὅφλ' ἐκείνη λείψαν' ὅ, αἰ' οὐλομένη

Αἰὲν ὃ ἐκλάμψει κόσμον ἔκ' διώσσειν

Σκωτιαῖ δ' αἰ μερόπων διὰ παντὶ φωτὶ τὰ ἀνδρός

Ἡρώες πάντ' ὅ λαμπρότεροι γενέ' ὅ

*Heronum hic virtus, quales habet incluta multos*

*Scotia, Jonstoni sedulitate nitet;*

*Premiaque æterni annosæ è laudibus æui*

*Accipit, inuicti qualia Martis erant.*

ROB. VALLES.

*QVID doleas, Pellæ potens, tot robora Martis*

*Lustris bis denis si ferat una dies?*

*Mirum, si pereant mortalia vindice Fato,*

*Mortalis cū sit conditio hæc generis?*

*Hūc oculos, Pellæ potens, mentemque reflecte;*

*Nullum hic mortalem fleveris aut genitum.*

*Sed Genio, ingenioque satos conspexeris omnes,*

*Victuros Genio perpetis ingenij.*

D. IOHANNI

D. IOHANNI TONSTONO è diutino & difficili morbo  
eluctanti, resque Patriæ illustranti gratulatur  
DAVID BARCLAYVS.

CORPORIS exhaustas vires, labefactaque membra  
Vis vegeti reficit pectoris irrequies.  
Scilicet Antæi recidivum robur ut Heros  
Alcides luctâ sensit, & eripuit:  
Sic tibi cælesti quas ducis ab æthere vires  
Tollet anhelanti nullus ad astra labor.  
Vsq; DEI & PATRIÆ rebus decus addere certas:  
Vtque sacer DOMINO, sic philostorgos avis.  
Ingénium felix, & par industria, Famæ  
Sacra, per ætherias pergite clara vias.

AD EVMDEM,  
Vt editionem Heroici operis maturet.

QVID cunctaris adhuc nitidas efferre sub auras  
HEROVM æternum quod tibi crevit opus?  
Causaris multa, & dubitas meruisse Coronæ  
Applausum, crescens quæ tua Musa dedit.  
Ergo iterum ut pereant tot lumina mersa tenebris,  
Cumque tuis fatis culta Thalia tua?  
Eia age, & Heroes, & te simul eripe fatis,  
Dum nimium, heu! properant Fata suprema diem.  
Haud æquum, ut temet certes sub iudice. Cernis  
Vtque solo & cælo sparsa corona tibi est?

L. M.

# HEROVM INDEX

## *Alphabeticus & Chronologicus.*

### A.

**A**LEXANDER Bodius, mor. An. Christi 1601. pag. 51.  
 Alexander Bruffius, mor. Anno Christi 1600. pag. 51.  
 Alexander Carron Scrimgeræ gentis Auctor claruit An. Chr. 1062. pag. 6.  
 Alexander Cuningamus Glencarniæ Comes, cognomento BONVS, moritur Anno Christi 1574. pag. 37.  
 Alexander Humius Princeps Gentis suæ mor. An. Chr. 1573. p. 35.  
 Alexander Lyndesius mor. Anno Christi. 1332. pag. 14.  
 Alexander Moravius Tullibardinus mor. An. Chr. 1599. p. 50.  
 Alexander Ramisæus Dalhusius claruit An. Chr. 1342. pag. 18.  
 Alexander Setonius, Eques, clar. An. Chr. 1333. pag. 16.  
 Alexander Stuartus clar. An. Chr. 1263. pag. 8.  
 Andréas Britannus mor. An. Chr. 1512. pag. 23.  
 Andreas Moravius Custos Regni, five Prorex clar. Anno Christi. 1332. pag. 14.  
 Andreas Silvius Largoæ familiæ Auctor clar. An. Chr. 1490. p. 23.  
 Andreas Stuartus Ochiltrijs An. Chr. 1561. pag. 30.  
 Archibaldus Duglassius ad Hali-doné cæsus An. Chr. 1333. p. 16.

Archibaldus Duglassius Viætoniæ Comes occub. Anno Christi 1422. pag. 22.  
 Archibaldus Duglassius Anguliæ Comes cognomento BONVS mor. 1588. pag. 43.  
 Argadus Custos Regni clar. Anno Chr. 163. pag. 2.  
 Arturus Forbosius occubuit Anno Chr. 1571. pag. 33.

### C.

CADVALLVS Custos Regni clar. Anno ante natum Chr. 77. p. 2.

### D.

DAVID Guilielmi Regis frater clar. An. Chr. 1194. pag. 7.  
 David Lyndesius Crafurdius clar. An. Chr. 1396. pag. 20.  
 David Lyndesius montanus Eques floruit An. Chr. 1540. pag. 27.  
 Duglassiorum Gens. pag. 44.

### E.

EDOUARDVS Bruffius Roberti Regis frater, REX Hiberniæ, An. Chr. 1316. pag. 11.

### F.

FERCHARDVS clar. An. ante natum Christum 213. pag. 2.  
 Fraferiorum Gens, Anno Christi 1544. pag. 26.

### G.

GILBERTVS Kennedus Cassiliæ Comes,

Comes, Pater, extinctus Anno  
Christi 1526. pag. 26.  
Gilbertus Kennedus Castellæ  
Comes, filius, mor. Anno Chr.  
1558. pag. 29.  
Gilchristius Angufianus clar. An.  
Chr. 1165. pag. 7.  
Gilespicus Cambellus Argatheliæ  
Comes morit. Anno Christi  
1573. pag. 36.  
Graemus Custos Regni, An. Chr.  
430. pag. 3.  
Guilielmus Duglassius Lidalianus  
An. Chr. 1342. pag. 19.  
Guilielmus Haius Haiorum Prin-  
ceps extinctus Anno Christi  
1332. pag. 15.  
Guilielmus Kethus Anno Christi  
1337. pag. 18.  
Guilielmus Kethus Comititis Ma-  
reschalli Scotorum filius captus  
An. Chr. 1557. moritur Anno  
Christi 1580. pag. 40.  
Guilielmus Kethus Comes Mare-  
schallus, Pater, moritur Anno  
Christi 1581. pag. 40.  
Guilielmus Kethus, Nepos, Ge-  
nevæ peremptus Anno Christi  
1577. pag. 39.  
Guilielmus Kircaldius Grangea-  
nus mori coactus Anno Christi  
1573. pag. 35.  
Guilielmus Vallas Custos Regni  
nefariè proditus interiit Anno  
Christi 1305. pag. 8.  
HAIUS Pater cum duobus filiis  
clar. An. Chr. 942. pag. 3.

Hamiltonus Gentis Auctor clar.  
An. Chr. 1314. pag. 13.  
Heroes cæsi in pugnâ ad Harlaum  
vicum An. Chr. 1411. pag. 20.  
Heroes cæsi ad Fluidonem cum  
IACOBO IV Rege Anno Chr.  
1513. pag. 24.  
Heroes cæsi in clade Pinkiâ ad  
Musselburgum Anno Christi  
1547. pag. 28.  
Heroes cæsi ad Weseburgum in  
Livoniâ An. Chr. 1574. pag. 36.  
Heroes cæsi ad Hulstium in Flan-  
driâ An. Chr. 1596. pag. 49.  
Heroes cæsi in Galliâ pro renascen-  
te Religionis luce. pag. 53.  
Heroes qui per bella civilia in Bel-  
gio occubuerunt. pag. 53.  
Hugo Kennedus Bageniæ familiæ  
in Caricta Auctor clar. An. Chr.  
1422. pag. 21.  
Hugo Montgomerius Eglintoniæ  
Comes interiit Anno Christi  
1586. pag. 42.

I.

IACOBUS Coluillus Vemissus,  
mor. An. Chr. 1594. pag. 47.  
Iacobus Critonius Clunius, cæsus  
Mantua, An. Chr. 1581. pag. 41.  
Iacobus Duglassius pro re Chri-  
stianâ militans à Saracenis cæsus  
in Hispaniâ An. Chr. 1330. p. 12.  
Iacobus Duglassius Duglassiæ Co-  
mes, mor. An. Chr. 1388. p. 19.  
Iacobus Duglassius Buchaniæ Co-  
mes mor. An. Chr. 1601. p. 52.  
Iacobus Duglassius Mortonius  
Comes, Prorex, Anno Christi  
1581. pag. 41.  
Iacobus



Iacobus Haliburtonus Taodunen-  
 sis Præfectus, mor. Anno Chr.  
 1588. pag. 44.  
 Iacobus Hamiltonus Anno Chr.  
 1314. pag. 13.  
 Iacobus Lumisdenus Arderius,  
 mor. An. Chr. 1598. pag. 49.  
 Iacobus Lyndesius à Byrris mor.  
 An. Chr. 1601. pag. 52.  
 Iacobus Montgomerius Comes,  
 Parisiis mori coactus An. Chr.  
 1574. pag. 29.  
 Iacobus Sandelandius Caldera-  
 nus Eques, vixit Anno Christi  
 1560. pag. 30.  
 Iacobus Stuartus Moraviæ Co-  
 mes, cogn. Bonus, Prorex, in-  
 teriit An. Chr. 1570. pag. 31.  
 Iacobus Stuartus Moraviæ Co-  
 mes, mor. An. Chr. 1592. p. 46.  
 Iohannes Areskinus Marriæ Co-  
 mes, Prorex, mor. Anno Christi  
 1572. pag. 34.  
 Iohannes Borthvicus Eques clar.  
 An. Chr. 1540. pag. 27.  
 Iohannes Cambellus Cadellus,  
 mor. An. Chr. 1592. pag. 46.  
 Iohannes Car Michael Eques, oc-  
 ciscus An. Chr. 1600. pag. 50.  
 Iohannes Cocburnus Ormistonius  
 mor. An. Chr. 1583. pag. 42.  
 Iohannes Cuminus clar. An. Chr.  
 1302. pag. 10.  
 Iohannes Fraferius clar. An. Chr.  
 1302. pag. 10.  
 Iohannes Græmus Eques in pu-  
 gnâ ad Varium Sacellum cæsus  
 An. Chr. 1300. pag. 10.  
 Iohannes Ionstonus Annandianus

Princeps Gentis suæ mor. An.  
 Christi 1587. pag. 43.  
 Iohannes Leon Glammius, Can-  
 cellarius, mor. Anno Christi  
 1577. pag. 38.  
 Iohannes Maluillus, Rethius, An.  
 Chr. 1548. pag. 28.  
 Iohannes Metellanus Cancellarius  
 moritur An. Chr. 1595. pag. 47.  
 Iohannes Stuartus Buchaniæ Co-  
 mes mor. An. Chr. 1422. p. 22.  
 Iohannes Stuartus Levinæ Co-  
 mes, cæsus An. Chr. 1526. p. 25.  
 Iohannes Randolfus Prorex, An.  
 Christi 1336. pag. 17.

## L.

LACHLANVS Maclanus Duartius  
 mor. An. Chr. 1598. pag. 49.

## M.

MACDULFVS primus Fifæ Comes,  
 clar. An. Chr. 1057. pag. 5.  
 Matthæus Stuartus Levinæ Co-  
 mes, Prorex, mor. Anno Chr.  
 1571. pag. 32.  
 Montgomerius Lorgianus Iacobi  
 Comitis filius, ad Dolæ mœnia  
 cæsus An. Chr. 1590. pag. 45.

## P.

PATRICIVS Dumbarus Marciæ  
 Comes An. Chr. 1336. pag. 18.  
 Patricius Lyndesius à Byrris mor.  
 An. Christi 1589. pag. 45.

## ROBERTVS



R.

ROBERTVS Kethus clariss. Gen-  
tis Auctor, insigni victoria in  
Barrensi pugna nobilitatus An.  
Chr. 1006. pag. 4.

Robertus Kethus clar. An. Chr.  
1332. pag. 15.

Robertus Montgomerius mor.  
An. Chr. 1596. pag. 48.

Robertus Stuartus Prorex Anno  
Chr. 1336. pag. 17.

S.

SIMON Frazerius Anno Christi  
1306. pag. 11.

T.

THOMAS Bodius Anno Christi  
1470. pag. 12.

Thomas Mezentius, mor. Anno  
Chr. 1576. pag. 37.

Thomas Randolfus Prorex Anno  
Christi 1331. pag. 13.


2 V I L I V S V.

VALTERVS Loganus An. Christi  
1306. pag. 11.

Valterus Londius Gentis suæ Prin-  
ceps mor. 1567. pag. 31.

Valterus Scotus Balcluchius clar.  
Anno Christi 1525. pag. 25.

Valterus Stuartus, Anno Christi  
1062. pag. 11.



I V L I V S

IULIUS CÆSAR

SCALIGER

De priscis Scotorum moribus,

sub Titulo BERVICI,

inter VRBES.

**S**i cui Simplicitas & prisca secula vitæ,  
Sors sine dissidiis, mens sine fraude placet;

Ne Scotiæ dextras, hirsutaque pectora spernat.

Haud benè junguntur luxus & arma simul.

Nimbiferosque Ioves, & iniquas vicimus auras:

Corporaque horrendis sunt potiora malis.

Facta Ægypte solum. potius sit sortis iniquæ,

Sollicità vitæ ducere ab arte dies.

HEROËIS

HEROES  
IOHANNIS IONSTONI  
SCOTI.

C

## FERCHARDVS

Procerum armis accinctus, DOVALVM Principatus jura  
ad se trahentem iusto bello repressit, in quo & ipse oc-  
cubuit, REVTHERO Rege imperante apud Scotos,  
ANNO Mundi 3758. ANNO ante natum CHRISTVM 213.

PRIMVS in Heroun numero spectabere. Primus

*Tu restinxisti armis arma tyrannia tuis.*

Cum fædè premeret DOVALI factio regna,

*Solvisti fracto libera regna iugo.*

De palma si alij certant, tua gloria prima est.

*Quod nolles facere, hunc te patriæ urget amor.*

## CADVALLVS

Custos Regni (quem Proregem posteriores dixerunt) con-  
fecto bello difficillimo, profligatisque cunctis hostibus,  
pacem patriæ, & Regnum legitimo hæredi restituit EVE-  
NO II. ANNO Mundi 3894. ANNO ante CHRISTVM 77.

PRÆLIA quis te plura iniit tam Marte secundo?

*Quis te virtute aut dexteritate prior?*

Frustra hostes, frustra arma crepant. Ruat omnis in arma

*Occasus, cunctis tu satis unus eris.*

Ast una Invidia innumeris successibus obstat.

*Hanc quoque viciisti, teste vel Invidiâ.*

## ARGADVS

Custos Regni, multis præclarè rebus gestis illustris, Re-  
gnum feliciter rexit usque ad ETHODIVM I Anno post  
natum CHRISTVM 163.

DES hostem, des arma mihi; jam protinus hostis

*Fracta armis cedent horrida tela meis.*

*Concussa*

*Concussa Æbuda toties. tremuit ultima Thyle  
 Signa mea, extremoq̃ue Insule in Oceano.  
 Imperium rexi. Clarissima præmia Vitæ  
 Reddita sunt. Patriæ Vitam ego reddo meam.*

## GRAEMVS

*Custos Regni post interitum FERGVSI II Regis, Generi  
 fui, desperatissimis temporibus remoticam fortissimè  
 à se defensam felicissimè administrat pro EVGENIO II  
 Nepote suo. Ab hoc Vallum SEVERI, accolæ GRAEMI  
 Vallum usque ad hanc diem vocant. Dedit & hic initium  
 clarissimæ GRAEMORVM Comitum Montis-Rosarum  
 familiar. Floruit ANNO CHRISTI 420.*

*QVISQVIS es, antiquos seu Britto vindicet ortus,  
 Scotia seu patrio te ferat ore suum;  
 Ipse tuus semper, tibi tuq̃ue simillimus, idem es;  
 Teq̃ue unum Patriæ dicit uterque Patrem.  
 Debet uterque tuis sortem felicibus auctam  
 Imperijs. Te unum Romulidum arma tremunt.  
 Instauras labefacta armis, lacerosq̃ue Penates.  
 Quod cuncti vellent, hoc propè solus agis.  
 Disiectis alijs, patriæque ab sede fugatis,  
 Tu stas, & servas, dâsque alijs patriam.  
 Nemo alium, nemo peregrino nomine dicat.  
 Quàm te etiam vellet dicere ROMA suum!*

## HAIVS Pater cum duobus filijs,

*Armatus aratri jugo, suorum fugientium agmen stitit.  
 Danorum exercitum victorem repulit. Salutem patriæ,  
 sibi posterisque rem & decus immortale peperit, in me-  
 morabili ad Loncartem vicum pugna; quæ incidit in  
 annum secundum KENNETHI III A° CHRISTI 942.*



Ab hoc cepit initium illustris Comitum ERROLIA  
domus, quæ & agros Scotiæ fertilissimos, & Insignia  
in victoriæ præmia hisce data adhuc tenet.

*QVO ruitis cives? Heia! hosti obvertite Vultus!*

*Non pudet infami vertere terga fugâ?*

*Hostis ego vobis; aut ferrum vertite in hostem.*

*Dixit, & armatus dux præit ipse iugo.*

*Quâ, quâ ibat vastam condensa per agmina Danum*

*Dat stragem. hinc omnis consequiturque fuga.*

*Servavit cives. Victorem repulit hostem.*

*Vnus cum Natis agminis instar erat.*

*Hic Decios agnosce tuos magnæ æmula Romæ,*

*Aut prior hac; aut te his Scotia major adhuc.*

## ROBERTVS KETHVS

Clarissimæ familiæ & gentis Auctor: cujus ingenti virtute,  
concisus Danorum copijs, & Duce eorum CAMO cæso,  
in Barrensi pugna prope Brigidæ vicum, victoria penes  
Scotos fuit. Victoriæ monimenta adhuc exstant, Tu-  
muli, Obeliscus, & Pagus proximus CAMI nomen ho-  
die retinens. Præter gloriæ præmium KETHO dati sunt  
agri in Lothiana, quos KETHORVM Comitum illustris  
familia etiam-dum possidet cum perpetuâ dignitate Ma-  
reschalli Scotorum. Floruit MILCOLYMBUS II regnante,  
A° Christi 1006.

*LOTHEA vix modicis reptans modò languidus undis,*

*Nunc tumidus tumidas sanguine volvit aquas.*

*Despectansque super clades & funera Danum,*

*Mersat arenosis corpora strata vadis.*

*Dux CAMVS ipse cadit Virtute insignis & armis.*

*Nomina vicinus signaque servat ager.*

*Cetera.*

*Cetera turba nihil. Tibi enim Dux sternitur ingens:*

*Vnus cunctorum qui tamen instar erat.*

*Hinc te auctore ingens effert se gloria gentis;*

*Auctior & meritis facta subinde novis.*

**HAUD** frustra est Virtus. *Quantum te surrigis armis,*

*Tam te felicem postera secla probant.*

## MACDVFFVS

Fifæ THANVS, five Præfectus longè potentissimus, cum neque Patriam, neque se MACBETHI tyrannidi sufficere videret, exsul in Angliam profectus Regem legitimum reduxit, & in opprimendo Tyranno fidelem operam præstitit. Ob merita primus Fifæ Comes à Rege declaratus fuit. Ab hoc est nobilis & opulenta VEMISI-  
STIORVM in Fifa familia. Floruit sub MILCOLVMO III  
A° Christi 1079.

**PELLERE** me potuit Regni de parte Tyrannus:

*Tollere non potuit libera regna animi.*

*Quod potui voluisse timet, nec velle timere.*

**SIC** NVNQVAM in tuto est conscia cura mali.

*Ergo furens magis imbelles cum conjuge natos*

*Perdidit. Ast neque in hoc mi cecidere animi.*

*Exilium vici. Regem in sua regna reduxi;*

*Subjecique armis colla tyranna meis.*

*Addo decus priscis meritis. Monumenta vetusta*

*Servat adhuc rerum VEMISIANA domus.*

*Credita res, posse haud fieri hæc nisi Cæsaris armis.*

*Cæsar ego cæsà de genitrice seror.*

## VALTERVS STVARTVS

BANCHONIS EX FLEANCHO filio Nepos, ob rem bene gestam adversum Gallovidianos rebellantes à MILCO-

**LVMBE III**, Stuartus, hoc est, Quæstor Regni designatus est. A quo initium habet florentissima **STUARTORVM** familia, quæ jam diu apud Scotos rerum potitur. Claruit A° Christi 1062.

**ARMORVM** *felix domui virtute rebelles.*  
*Premia magnanimo Principe dante tuli.*  
*Reddidi avis decus antiquum. Gens alta nepotum*  
*Sceptrigerum per me nomina tanta gerit.*  
*Materiem meritis Mavors subjecerat. auget*  
*Sic Genius, sortem nobilitatque meam.*  
*His cresce auspiciis sanguis meus. Addite fati*  
*Fata meis. etenim vos meliora manent.*

### ALEXANDER CARRON,

Cui ob veram virtutem in armis tractandis **SCRIMGERO** nomen impositum, perpetuum Vexilliferi Regij honorem sibi posterisque meruit sub **MILCOLUMBO III** A° Christi 1657. Ab hoc **ALEXANDRO** est **SCRIMGERORVM** Dendoppensium progenies, quæ & nomen & honorem hunc hodie possidet.

**QVID** *trepidas? da signa mihi: superabimus annem.*  
*Terreat an pavidos nos fugitiva cohors?*  
*Dixit, & arreptis signis ruit acer in hostem,*  
*Nil rapidi metuens augmina torva vadi.*  
*Hinc decus angusto surgit sub Principe. Ab armis*  
*SCRIMGERÆ genti fama decusque manent.*  
*Arma alius jactet. nos scimus fortibus armis*  
*Vitæ. haud dici, malumus esse viri.*

### GILCHRISTIVS *Angustianus,*

Summis honoribus ob multa heroica facinora sub **MILCOLUMBO IV** functus, variantis fortunæ procellam fortiter

fortiter sustinuit, ac feliciter superavit sub GVILIELMO Rege. A quo Angufianorum Comitum, & Ogilviorum origo eſſe creditur. A° Chriſti 1165.

SANGVINE commixtus Regumque penatibus, auxi  
*Arduus intrepidâ remque decusque manu.*  
 Prælia ter geſſi felicit. pulſus ab acri  
*Hoſte ſemel. Gravius Sors violenta domi*  
*Ancipitem quatit. At contrâ licet omnia tentes,*  
*Non potes imperijs frangere dura tuis.*  
 Cede ergo ut vincam: nec totum vicoris unquam,  
*Mentem indictam animi Sors ſtupet & refugit.*

## DAVID.

GVILIELMI Regis frater, nepos Magni illius noſtri DAVI-  
 DIS Regis, cum RICHARDO T Angliæ Rege in Syriam  
 proſectus, infinitis ſuperatis periculis, ad ALECTVM  
 Eneje, ſive Anguſiæ, incolumis expoſitus, ei urbi  
 DEIDONI nomen dediffe ſcribitur; quam G. Buchana-  
 nus in hitoriâ ſuâ, ſecutus ſitum loci, TAODVNVM paſ-  
 ſim appellat, ab amne vicino, & monte. Facta hæc  
 ſcribunt noſtri circa Annum Chriſti 1194.

MILLE per adverſos caſus, per mille pericla,  
*Mortis ego infeſtas cogor adire vias.*  
 Æſtusque, Oceanique minas, horrentiaque aſtra,  
*Et didici pelagi ſcire pavere deos.*  
 Bellantem Syriam per naufraga littora adivi.  
*Niliaci captum mox tulit ora ſoli.*  
 Vendor, agor, raptor, totoque exercitus orbe  
*Perdideram memet; perdiderantque mei.*  
 Irridens cælum eripuit tot mortibus, & jam  
*Reſtituit mihi me, reſtituitque meis.*

*Sum genus invictum cælesti è semine magni*

DAVIDIS: *An mortem mors ferat ulla mihi?*

### ALEXANDER STUARTVS,

ROBERTI II Regis Proavus, sedecim millibus hostium  
ad Largas cæsis, ACHONE Norvegiarum Rege ad na-  
ves repulso, patriam metu Tyranni liberavit, regnante  
ALEXANDRO III A° Christi 1263.

TV *quamvis, tecumque fremat Septemtrio in armis,*

*Innumereque premant littora nostra trabes:*

*Te tamen hac sistam dextrâ, queque horrida tecum*

*Terra sub Arctoo miscuit arma Polo.*

*Obstiteram innumerus. excussi tela Tyranno,*

*Atque gravis populi vincla metumque jugi.*

*Nec mihi regna paro. Si quid tamen auguror, olim*

*Debentur generi forsitan illa meo.*

*Quid mihi enim tecum Macedo, qui viceris orbem,*

*Vix tibi, nec natis regna futura tuis?*

### GVILIELMVS VALLAS

Custos Regni post ALEXANDRI III Regis exitum, diffi-  
cillimis illis Balliolanis temporibus, rerum gestarum  
gloriâ florentissimus, clarissimis veterum ducibus com-  
parandus. Solus liber, libertatem publicam constantis-  
simè defendit: Libertatis Vindex, Patriæ liberator, ma-  
gnanimus, felix, victoriosus. A suis nefariè proditus  
interijt Anno antequam ROBERTVS BRVSSIVS Re-  
gnum inijt A° Christi 1305.

ROBORE, *mente, animis ingens, ingentior ausis,*

*Quem tibi, quem dederint secula prisca parem?*

*Romani arma gerunt, subnixi viribus orbis:*

*Vires, arma, orbis, Dexterâ sola tua.*



*Nil non pro patria geris, & pro te nihil unquam.*  
*Illi cuncta sibi, pro patria, in patriam.*  
*Fata ferunt secum. Fatis tu fervidus instas.*  
*Imperium his, tibi Sors destinat invidiam.*  
*Quod neque Mars unquam potuit, neque callidus hostis,*  
*Viribus ille suis, fraudibus iste suis:*  
*At scelus ô! potuit gens hoc male-fida tuorum.*  
*Sic vixti, & fatis immoreris patriæ.*

## II.

Ejus oratio ad EDWARDUM T Anglorum Regem, ad defectionem sollicitantem.

*NON promissa, minæ, terrorve avertere possunt.*  
*Patria libertas me mihi chara magis.*  
*Degeneres animos tangant hæc talia. certum est*  
*Dûs patriæ hanc animam reddere velle meæ.*

## III.

Ejusdem oratio ad ROBERTUM BRUSSIVM, (qui paulò post Regnum est adeptus) ad Carrontem amnem, post infelicem pugnam ad Varium facellum.

*SICCINE degeneres animos, & inertia pulsat*  
*Corda metus; generis nec memor ipse tui es?*  
*Ergò potes patriæ fædas spectare ruinas,*  
*Tristis, & accisæ ut nil moveare malis?*  
*Regna tua hæc: tibi debentur: tua regna capeffe.*  
*Sit pudor ô tandem barbara signa sequi!*  
*Non me dira fames famæ, regnive cupido*  
*Impulit hûc, patriæ sed pereuntis amor.*  
*Non fortuna capit, non mens mea regna cupivit.*  
*Premia nostra vides, vulnera, tela, neces.*

D

Aude

*Aude ingens animi. Spondent tibi sidera Regnum  
Fataque. Tu sequere hūc, quò tua fata Vocant.*

## IV.

## E P I T A P H I U M eidem.

*FORTVNAE tetricæ domitor, vindexque suorum,  
Hic jacet, immeritâ pressus ab invidiâ.  
Ausâ immane nefas Fraus effera gentis honorem  
Abstulit, & patriæ robora certa suæ.*

IOHANNES GRAEMVS, *Eques,*

*Omniū laborum VALLÆ socius, secundum ipsum VALLAM*  
*Scotorum longè fortissimus habitus, pro patriæ*  
*libertate fortiter pugnando occidit in funesto prælio ad*  
*Varium Sacellum XXII. Iulii. A° Christi 1300.*

*VALLAM alloquitur.*

*ME tibi do quondam socium belli que laborumque;  
Accipe me in numerum nunc quoque, Magne, tuum.  
Eheu! præcipites ruimus discordibus armis.  
In diversa trahunt ambitio, ira, dolus.  
Te sequor usque. libens hæc tecum pignora dextræ,  
Hancque animam patriæ do voveoque meæ.  
Nec dixisse satis. quin hæc mea pectora morti  
Offero. Scis nostrum haud dicere, sed facere.*

IOHANNES CVMINIVS

&amp;

IOHANNES FRASERIVS

*Tribus prælijs contra ingentem exercitum Anglorum uno  
die*

die feliciter gestis clari. Pugnatum est ad ROSLINVM  
XXIV. Febr. A° Christi 1302.

TRES valide institerant acies violentibus armis,  
Queis nec fulminei sint satis arma Iovis.  
Procubuere tamen victæ virtute duorum.  
Una acies victas tres dedit, una dies.  
Vrbibus impositos hostes ac molibus altis  
Ejiciunt, duri relliquiasque jugi.  
Macti animis! non sic Romanis pellitur armis  
Annibal, hinc flevit perdita Roma suos.

SIMON FRASERIVS  
&  
VALTERVS LOGANVS

Equites strenui, & summâ in patriam charitate, à suis pro-  
diti, Londini supplicio affecti sunt, eo anno, quo ROB.  
BRVSSIUS Regnum iniit. A° Christi 1306.

ERGÒ nefas servare fidem, fas fallere dextram?  
Ergò jugum à patria pellere velle nefas?  
Crimine non alio luimus. Si crimen in hoc sit,  
Crimen sit patriam, sit coluisse fidem.  
Non Porfenna refert tibi talia præmia, magne  
SCÆVOLA: magnanimum laudat in hoste fidem.

EDOVARDVS BRVSSIUS,

ROBERTI BRVSSI Regis Frater, ab Hibernis ob virtutis  
famam, ac gentis vetustam cognationem ad Regnum  
capessendum accitus, dum prælium adversus Anglos,  
non expectato ROBERTO Fratre cum copijs auxiliari-

bus adventante, præcipitat, cæsus est,  $\overline{\text{XXIX}}$ . Sept. Anno Regni sui secundo, A° Christi 1316.

VT Fratrem Sors seva agitat tot acerba ferentem:

Sic me vexatum dira procella quatit.

Nempe sibi Frater, Fratrique simillimus alter

Ipse ego. tantorum sion comes usque operum.

Gens invicta armis, nostri quæ concita famâ,

Vltro sceptra ferens in sua regna vocat.

Datque hostem, dat sceptra simul. neque segnius ardor

Me stimulat. Frustra, ah! fers mihi Frater opem.

Nec tua culpa tamen: potius meus error in illo est.

Aut hoc à Fatis, sanguine sceptra dari.

### IACOBVS DVGLASSIVS.

Omnium laborum & victoriarum ROBERTO BRVSSIO Regi socius, dum illius votum, quod ei moriens commendaverat, exsoluturus, in Syriam ad bellum Sacrum proficiscitur, Aragoniæ Regi bellum adversum Saracenos Christiani nominis hostes gerenti se coniungens, post aliquot prosperas pugnas à Saracenis est cæsus in Hispania,  $\overline{\text{XXVI}}$  Augusti A° Christi 1330.

QVICQVID Sors potuit mortali in pectore ferre;

Vel facere, hoc didici perficere atque pati.

Prima ubi luctando vici, Sors affuit ausis

Omnibus. Et quid non pro patria ausus eram?

Hosti terror ego. nullus me terruit hostis.

Consiliis junxi robora dura meis.

Prelia quot numerat, titulosque, actosque triumphos,

BRVSSIVS, hinc totidem penè tropæa mihi.

Quò jam signa feram? Major querendus & orbis,

Atque hostis. Famam non capit iste meam.

*Arma Saraceno objeci prope littora Calpes  
Herculeæ. Hic tellus me male-fausta tegit.  
Herculeæ Gracis memoretur gloria laudis.  
Fallor ? an Herculeis stant potiora mea ?*

## THOMAS RANDOLPHVS.

Consilio & fortitudine nemini secundus, sub ROBERTO  
BRUSSIO, cujus ex sorore fuit natus, claruit. Pro DA-  
VIDE II ejus filio Regnum feliciter administravit. quod  
vivo Patre etiam fecerat. Moritur A° Christi 1331.

HECTOREOS animos, cælestia Nestoris ora,  
Corque refert. toto pectore quanta fides !  
Stemmata de Region, Regis Comes inque secundis  
Rebus & adversis ; Regia jura dedit.  
Rarum hoc ; Rege ipso meruit vivente, jubente,  
Imperij fasces. Sors brevis, ampla tamen.  
Inferior Region nulli felicibus orsis,  
Sive obeunda Sagi munera, sive Togæ.  
Omnia quid referam ? cum singula reddere possint  
Heroem, noster omnia solus habet.

## N. HAMILTONVS,

Primus gentis Auctor, unde florentissima Hamiltoniorum  
familia ; in Scotiam venit regnante ROBERTO BRUS-  
SIO, à quo honoribus & præmijs amplissimis est do-  
natus, A° Christi 1314.

IVRE ego deserui patriam, veteresque Penates.  
Nempe fidem, jus, fas deserit illa prius.  
Iam nova jura libens inui sub Rege benigno,  
Qui profugo patriam, qui potiora dedit.



*Hinc res, atque decus, fortunaque leta sequuta est.*

*Hinc Regum thakamis nobilitata domus.*

*Esto, solum verti. At patriam inveni. hæc dedit, auxcit,  
Quæ modò perdideram. quæ potui, illa dedi.*

### ANDREAS MORRAVIVS,

Custos Regni pro DAVIDE II BRVSSIO, tantas res brevi spatio gessit, ut cujuslibet magni Ducis ætati suffecturæ videantur. Floruit A<sup>o</sup> Christi 1332.

*OBVIUS armato quoties sese obtulit hosti,*

*Cùm quateret duro Sors fera cuncta pede!*

*Constans robur erat circum præcordia. Vincit*

*Dum capitur. nulla Vincere Vis potuit.*

*Victor cedit, agit, quatit, hostes, oppida, & arces.*

*Nemo umquam parvo tempore plura dedit.*

*Regum æquat merita. In Reges, pro Rege tuetur*

*Magnanimus patriæ libera jura suæ.*

*Vos ô degeneres patriam sic prodere vestram!*

*Nempe ut MORRAVI restituatur ope.*

### ALEXANDER LYNDESIVS,

Gentis suæ Princeps, cum octoginta è familia LYNDESTORVM fortiter pugnando contra hostem occubuit ad Duplinum, A<sup>o</sup> Christi 1332.

*VELLEM alium cecinisse tibi quàm in morte triumphum,*

*O nec morte unquam aut Marte tacende tuo!*

*At potior pulchrâ cedit tibi morte triumphus,*

*Luxque tibi casso lumine Vera redit.*

*Parque Duci & socijs Virtus; par exitus: idem*

*Ardor agens animos. Omnia penè pares.*

*Discidium*

*Discidium his unum: cùm mors semel omnibus instet,  
Qui prior, ante prior debeat ille mori.*

## GVILIELMVS HAIVS,

HAIORVM Princeps, cum omnibus suis extinctus; deletumque Hajorum nomen fuisset ( nisi divinitus domi gravidam reliquisset uxorem ) in infelici ad Duplinum pugna, A<sup>o</sup> Christi 1332.

*ME simul, & mecum spemque, & genus omne meorum  
Vulnere non uno sustulit una dies.*

*At vos crudeles Parcæ miserescite. nobis  
Degener haud tantis spes nova surgat avis.  
Audire Deæ. Dabitur quod poscitis, ajunt,  
Aut dabis, aut conjux te tibi dante dabit.*

*Stat rediviva igitur, potuitque excisa renasci:  
Et tibi gens à te posthuma surget avo.*

*• Si fas morte etiam victuram condere gentem,  
Qualia, quanta olim vita datura fuit!*

## ROBERTVS KETHVS

Amisso patre ROBERTO, & magno propinquorum numero in clade Duplinensi, sumtis armis, strenuè suorum cladem ultus, Perthum urbem ab hoste inessam cepit, mœnia diruit, A<sup>o</sup> Christi 1332.

*VLTVRVS patriæ clades, ac fata suorum,  
Vltro animam vovit pro patria atque suis.*

*Præsidium eiecit, nudavit mœnibus urbem,  
Res lapsas parvâ restituitque manu.*

*Magnanimi fuerat pro libertate pericla  
Temnere: felicitis maxima posse dare.*

ALEXANDER

ALEXANDER SETONIVS, *Eques;*

Clarissimæ familiæ Princeps maluit triste duorum filiorum  
supplicium ante oculos cernere, quam BERVICVM ur-  
bem, cui præfectus erat, hosti prodere; conjuge viri-  
lis animi fæminâ ad præclarum facinus animante, sub  
DAVIDE II Rege impubere. A° Christi 1333.

HVC averte oculos, neu tristia fata tuorum  
Respice. Sit patria, sitque fides potior.  
Hinc metus, hinc amor, hinc patria, & pia pignora, & uxor  
Martia, sollicitant pectora magna viri.  
Quid faciat? dedâtne urbem, seque ipse Tyranno,  
Infami ut redimat pignora perfidiâ?  
VINCIT amor patriæ, constansque in pectore Virtus,  
Omnia pro patria sustinuisse valens.  
O Pater! ô Nati! ô raræ constantia Matris!  
O quàm commemorem pectora vestra trium!

## ARCHIBALDVS DVGLASSIVS

IACOBI Frater, qui in Hispania interijt, dux exercitus,  
cum lectissimis quibusque Procerum, commissâ temere  
pugnâ ad Halidonem collem BERVICO vicinum, per-  
emptus est, DAVIDE II Rege impubere, Anno  
Christi 1333.

NON potuit perferre nefas, fœdamque Tyranni  
Perfidiam. Et quisnam sustinuisse queat?  
Ergò furens animi, atque accenso pectore inardet  
Prælia, & ingratas increpat usque moras.  
Poscimus aut æquo, dixit, certamine Martem,  
Aut certum est fatis cedere velle tuis.

*Ah ni-*

*Ah nimis! ah properant! non illis ignea Virtus  
 Desuerat. nocuit præcipitasse nimis.  
 Nec te victorem jactes, temeraria Virtus  
 Si nocuit. VINCI Vis animosa nequit.*

## ROBERTVS STUARTVS

ROBERTI BRVSSI ex filia natu maximâ Nepos, Prorex  
 pro DAVIDE II, cui postea in Regnum successit, ad-  
 huc juvenis multa fortiter & feliciter gessit, Anno  
 Christi 1336.

*RARI animi juvenis superat virtutibus annos,  
 Fortiaque exæquat pectora consiliis.  
 Rebus in angustiis meruit felicibus ausis  
 Imperium, invictâ sustinuitque manu.  
 Parva manus validis ausa est se opponere turmis,  
 Atque instare ingens fulmine præsidis.  
 Gens nata imperiis. In te Sors conscia Fati,  
 Argumentum ingens, auspiciūque dedit.*

## IOHANNES RANDOLPHVS

THOMÆ RANDOLFI Proregis filius, paternarum virtutum  
 æmulus, Prorex item cum ROBERTO STUARTO pro  
 DAVIDE II fortem & fidelem operam Patriæ & Regi.  
 turbulentissimis temporibus præstitit A° Christi 1336.

*QVÆ pater antè dedit patres meminere. Minores  
 Iure colent sancti nomina tanta senis.  
 Et patrias Natus sic excitat æmulus artes,  
 Ut Pater in Nato jam redivivus agat.  
 Sic quatit attonitos, fulmen sic vibrat in hostes,  
 Ut dextrâ credas fulmina missa Iovis.*

*Gens quò tanta abiit quæris? Terrestria regna  
Non capiunt. Cælum his ergò dedere Dii.*

## PATRICIUS DVMBARVS

Marcia Comes, constans libertatis patriæ Assertor, iisdem  
temporibus belli gloriâ clariss. floruit sub DAVIDE II  
A° Christi 1336.

*AVT premit adversas acies, pressasve suorum*

*Sustinet, & semper bella renata gerit.*

*Nil trepidans animam per aperta pericula mittit:*

*Et quam perdiderrat, perdita vitâ redit.*

*Candida libertas vitâ est tibi charior omni.*

*Illâ quod est patriæ, hoc est patria ipsa tibi.*

## GVILIELMVS KETHVS

Deleto hostium exercitu, & duce capto triumphavit, DA-  
VIDE II Rege, ANNO CHRISTI 1337. Comparatur  
cum GVILIELMO KETHO ejusdem familiæ ac no-  
minis, Comitis MARESCALLI Scotorum filio primo-  
genito, qui pro patria fortiter dimicans ab hoste captus  
est, A° Christi 1357.

*MACTE animi GVILIELME patrum non degener! hostis*

*Quo tremuit viso, corripuitque fugam.*

*Nec tamen effugisse licet. Dux inclytus armis*

*Summisit dextre jura superba tue.*

*Pro patria pueribus studiis, sed dispare fato*

*Certatum. ambobus mens generosa cluit.*

*Tu cepisti hostem. capitur cognominis Heros*

*Tempore diverso. Fortis utrumque fuit.*

## ALEXANDER RAMISEVS Dalhusius,

Omni militari gloriâ clarissimus, post tot labores & trium-  
phos,



phos, ex insidiis captus, inhumaniter fame mori co-  
actus est ab inimico & æmulo. Sub DAVIDE II flo-  
ruit, A° Christi 1342.

ET tulit, & meruit pretium non vile laborum,  
Aspera tot passus, qui tot acerba dedit.  
Devicit plures paucis. Ille ausus inausa  
Reddidit obsessis vitam, animosque novos.  
Postquam armis laudum peperisset præmia, Livor  
Invidit, sæde destituitque fami.  
Torve quid invid eas felicia præmia? quod tu  
Ausus eras, hoc nunquam hostica vis potuit.

GVILIELMVS DVGLASSIVS *Lidalianus*,  
Rerum gestarum gloriâ clarissimus, nisi claritatem ipse  
suam inhumanâ illâ cæde cœdasset A° Christi 1342.

OMNIA quando habeas, quæ Mars dedit omnibus, unus,  
Ut Mars Marte ferrox fulmineat alta tuo;  
Hoc patere, ut patiare parem, tui quis est unum hoc.  
Quin age, posce hostem. Ceteri solus habes.

### IACOBVS DVGLASSIVS

DVGLASSIÆ Comes, audax & bellicosus, monomachiâ  
cum HENRICO Percio, & iteratâ pugna cum hostium  
validis copiis, eodem tempore bis victor, ad Otterbur-  
num occubuit, XXI Iulii, Anno Christi 1388, Re-  
gnante ROBERTO II.

QVÆRITIS ô quid agam? en animam jam ago. fata meorum  
Hæc sequor. Innumero hûc vultuere facta vii est.  
Nesciat hoc hostis. sequitor quam quisque secat spem;  
Atque aliquis nostri fioneris ultor ades.  
Finiunt. & subito redivivo è fionere surgens  
Mars novus intonuit. victor, & ultor obit.

## DAVID LYNDESIVS

IACOBI Comitis Crafordiæ Filius, monomachiâ in ponte  
Lond. editâ in historiâ nostrâ celebratus, Imperante Ro-  
BERTO III, A° Christi 1396.

QVID iuvat invictæ convicia dicere genti?  
Non hæc arma viris, pugna parata tibi est.  
Virtute experiamur: & hoc simul accipe dictum:  
Non renuo hostili conferere arma solo.  
Audiit hæc Tamesis, Tamesinaque littora latè,  
Ponsque super refluis obstupescit aquis.  
Fors iuvat audaces. factum fortuna secuta est.  
Vicimus: estque hosti dextra probata meo.  
Ergò sola suum memoret ne Roma Quiritem,  
Fors timeant nostram robora Hetrusca manum.

## KENOTAFION

MAGNANIMIS HEROIBVS,  
AC CIVIBVS,  
QVI SE DONALDINIS INSVLANIS  
OBIECERVNT  
IN MEMORABILI AD HARLAVM  
PVGNA,  
ROBERTO STVARTO  
PROREGE  
PRO IACOBO PRIMO,  
AD D. XXIV IUNI.  
ANNO CHRISTI MD. CCCC. XI.

Hic ubi congesto tumulos super aggere cernis,  
Quâ voluit querulas VRIVS amnis aquas,

Heu!

*Heu! quantas patimur clades, quæ finera quondam!*

*Hic bellatorum quanta ruina jacet!*

*Quos patriæ communis amor, quos junxit amore*

*Rara fides, simul hos abstulit una dies.*

*Dum conferta ruunt regni in se viscera, gensque*

*Ultima ab Aebudis interiora quatit,*

*Barbaricis cecidere armis. Quisnam ardor in illis!*

*Magnanimo quantum pectore robur inest!*

*Hinc armis animisque instant. sonat iētibus aether,*

*Et circum effuso sanguine fervet humus.*

*Mars licet ambiguus, dubia haud est gloria. Pluris*

*An cecidisse fuit, an superesse fuit?*

Cæsi in hoc prælio sunt viri illustres, Alexander Stuartus Maritæ Comes, Alexander Ogilvius Angulæ Vicecomes, Iacobus Scrimgerus Regius Signifer, Guilielmus Abernethius Saltonius, Thomas Moravius Eques, Alexander Stratonus Laurestonus, Alexander Irvingius Drumus, Robertus Davidsonus Abredonenfis Consul, cum nobilissimis civium.

## HVGO KENNEDVS

Familiæ Bargaenæ in Carietâ Auctor, ob rem benè gestam ad Baugium vicum in Gallia (quo in prælio Dux Clarentius Angliæ Regis Frater occubuit:) jus tulit à Rege Gallorum CAROLO VI ferendi lili in clypeo gentilitio. Pridie Paschatis gestum est hoc prælium, ANNO CHRISTI 1420. quo anno obiit ROBERTVS Scotiæ gubernator pro IACOBO I.

*AN sequar huc quò fata trahunt? sequar extera bella.*

*Ei quò nobilium Sors vocat ampla ducum?*

*Magnanimos vocat alta duces mecum incita Martis*

*Gloria, & hinc hostis, hinc sociumque fides.*

*Nota fides sociis. dextrâ implacabilis hostis*

*Occubuit. nos hic pars quotacumque sumus:*

*Externoque solo nostræ decora inchyta gentis  
Intulimus; nostris extulimusque decus.*

### IOHANNES STVARTVS

Buchaniæ Comes, Equitum Francorum Magister,

### ARCHIBALDVS DVGLASSIVS

Victoniæ Comes, Dux Tyronensis, cum sociis ob præclara  
facinora maximis honoribus & præmiis à CAROLO VII  
Gallorum Rege aucti, ad VERNOLIUM cæsi, Anno  
Christi 1422.

*GALLIA vos titulis; vos Gallica regna tropæis  
Auxistis. meritis utraque regna cluunt.  
Tertia si inuideant quid mirum! ingentia damna  
Queis data, Saxonidum dum cecidere duces.  
Desine lingua procax verbis incessere. testis  
Gallus adhuc servat tot monimenta ducum.  
Et vos æternum memorabit Gallia cives  
Grata suos, titulos quæ dedit & tumulos.*

### THOMAS BODIVS

Aranæ Comes, omnium virtutum splendore, opibusque,  
ac potentiâ clarus, sub IACOBO III, cuius sororē uxorem  
habuit, subito imperu de gradu dejectus est: magno poste-  
ris documento, quàm præcipientes sint rerum humanarum  
casus, & quàm lubricæ Principum amicitia. Sepultus est  
Antverpiæ. cui CAROLVS Audax Burgundus affinis &  
amicus in exilio sepulchrum cum honorifico ellogio  
posuit, circa Annum Christi 1470.

*ILLE ego, cui nuper blandum Fortuna benigna  
Risit, & in gremio fovit amica suo;  
Affinis Regum, cumulatæ honoribus, amplas  
Auctus opes, solo Rege potente minor;*

Ecce modò immànì percussus fulminis igni,  
 Vnde abeam, aut ubi sum, nescio, quòve ferar.  
 Quæ dare Sors simulat nostris illudere damnis  
 Dura volens, data mi; nec data, surripuit.  
 Amissa & patria, & conjux, raptique Penates:  
 Vnica in exilio dextra relicta mihi est.  
 Dexterâ bellaci culta & benè cognita CARLO  
 Burgundo. cineres Belgica terra tegit.  
 Ingratas causèrne vices? At Principis ira  
 Quæ nocuit, famæ profuit illa meæ.

ANDREAS SILVIUS *Eques,*

A quo familia Largoâ primum cepit initium, fortitudine,  
 fide, & in primis belli navalis gloriâ illustris, à IACOBO III  
 & IACOBO IV Regg. honoribus ac præmiis donatus,  
 A° Christi 1490.

HVC, hûc Nereides liquidum quæ finditis æquor;  
 Ite Deæ in laudes, & canite acta viri.  
 Vester erat. pelagi vobis cedentibus ultrò  
 Iura tenet, famulis & dominatur aquis.  
 Stant ipse attonitæ vastis dum puppibus acer  
 Imminet, & victas vincula ferre jubet.  
 Regificæ, ingentes, non uno tempore fractæ  
 A paucis. quoniam hæc Numine gesta putes?  
 Nec prius hæc fieri, quàm cùm essent, credidit hostis,  
 Et cùm facta forent, credere vix potuit.  
 Vos domini rerum, vos lucida sidera terris:  
 Ast huic cum pelagi par decus omne deis.

## ANDREAS BRITANNVS

Ob invictam cùm in vita, tùm in morte animi magnitudinem  
 Heroibus accensendus: magnis etiam Regibus ob vir-  
 tutem



tutem formidabilis. Sub IACOBO IV floruit, Anno  
Christi 1512.

DAMNA tuli, retulique alijs. prædator inultum  
Nil tulit. hinc magnis Regibus horror eram.  
In me clam cœiunt odiis immanibus. Atqui  
Excipere insidijs Regia resne fuit?  
Quantum animi fuerit velles cognoscere? fractus  
Corpore, cantando prælia dura dedi.

## A R A

## MAGNANIMIS HEROIBVS

## QVI

CVM IACOBO IV. REGE

IN PVNESTO PRAELIO

AD FLVIDONEM

OCCVBERVNT

AD DIEM IX. VII<sup>tra</sup>

ANNO CHRISTI

CL. IC. XIII.

MAGNANIMI Heroës vobis hanc ponimus Aram:

*Hæc cum luctificis tristia signa notis.*

*Flent matres raptos natos, natiq̃ue parentes;*

*Frater & in fratris funere multa gemit.*

*It Tueda irrorans lachrymas, Nymphæq̃ue sorores,*

*Et quæcumque coluit flumina mæsta deæ.*

*Ergo furens tantum potuit Mars improbus, aut Mors,*

*Mortali ut caderent Nianina tanta manu?*

*Ille ævi decus augustum, spesq̃ue unica rerum,*

*Atque illi invictâ pectora iuncta fide?*

*Dum simul hosti instant, spernunt simul omnia: nemo*

*Dum cessisse velit, nec superesse valet.*

*Felices*

*Felices animæ, tanto quas Patria luctu,  
Quasque prior tollens Fama sub astra vebit!*

### VALTERVS SCOTVS *Balcluchius,*

Egregio suscepto facinore pro libertate Regis, ac aliis rebus  
gestis clarus sub IACOBO V A° Christi 1526.

INTENTATA aliis, nullique audita priorum

*Audet: nec pavidum morsve metusve quatit.*

Libertatem aliis soliti transcribere Reges:

*Subreptam hanc Regi restituisse paras.*

Si vincis, quanta ô succedunt præmia dextræ!

*Sin victus: falsas spes jace, pone animam.*

Hostica vis nocuit. stant altæ robora mentis,

*Atque decus. Vincit Rege probante fides.*

INSITA queis animis virtus, quosque acrior ardor

*Obsidet, obscuris nox premat an tenebris?*

### IOHANNES STVARTVS

Levinus Comes, ad Havenni fluminis ripam supra pontem  
non procul Limnucho, in causâ Regia occisus; ipsis etiam  
hostibus multis lachrymis desideratus, IACOBO V Rege,  
A° Christi 1526.

FORTVNAM, genus, imperium, & decora inclita Patrum

*Nosce, & sceptrigeræ semina vera domus.*

Nulla deest virtus præstanti in pectore, & ore

*Eximio. Patriæ pura medulla sue.*

Pro Rege & patria, pro libertate relictâ

*Arma capit. Qui non debuit, hostis erat.*

Heu arma invisa! heu arma infelicia! vestro

*Sanguine restingui nec potuisse etiam?*

F

*Deflevere*

*Deflevere hostes, cur non servastis? atroces  
Nōne fuit satius abstinuisse manus?*

### GILBERTVS KENNEDVS

*Cassilissæ Comes, vir magni & erecti animi, ex insidiis per  
inimicos è medio sublatus est circa idem tempus, in ea-  
dem causâ, A° Christi 1526.*

*Georgio Buchanano Auctore.*

*HIC situs est Heros humili GILBERTVS in urnâ  
KENNEDVS, antiquæ nobilitatis honos,  
Musarum, Martisque decus, patisque minister:  
Et columen patriæ, præsidiumque sue.  
Occidit insidiis fallaci exceptus ab hoste,  
Bis tria post vitæ lustra peracta sue.  
Parce hospes lachrymis, & inanem comprime luctum:  
Non misere quisquam, qui benè vixit, obit.*

### FRASERIORVM

*Gens antiqua & numerosa, de re Scoticâ sæpe benè merita,  
à Reginaldinis per insidias commisso certamine tota ex-  
tincta, nisi divinitus octoginta è principibus familiæ do-  
mi gravidas reliquissent uxores, quæ totidem editis ma-  
ribus familiam redintegrarunt, A° Christi 1544.*

*MAGNANIMO Fabij ceciderunt funere quondam,  
Et Marti & patriæ victima sacra sue.  
Nos utinam hostilis peregrino Marte petisset  
Dextera! & ô patriæ si cecidisse datum!  
At nos antiquâ Unâ omnes à stirpe recisi  
Occidimus, diris præda petita lupis.  
Simplice nec fato miseri desingimur, eheu!  
Nec genus, aut generis spes super ulla manet.*

*Ah Fa-*

*Ah Fata! At superant faciles fera Fata maritæ,  
Atque novo gravida prælia Marte cient.  
Gensque renascendo surgit numerosior. Istâ  
Lege iterum Fabij fors cecidisse velint.*

## IOHANNES BORTHVICVS

Eques clarissimus, tam charus IACOBO V Regi ob eximias virtutes, quàm invisus sacerdotum ordini ob veram pietatem fuit. Ob cuius sinceram professionem absens damnatus est: bona in fiscum relata: effigies post varia ludibria igne cremata Andreapoli XXIIIX Maij. Anno Christi 1540. cui damnationi doctissimam Apologiam opposuit, quæ extat in monumentis Martyrum. Multis annis postea superstes, senex placidâ morte obiit.

*SEV peragenda foret mihi res ingentibus ausis,  
Seu Fors intrepidis dura ferenda animis,  
Vtrumque addidici hoc: audere ingentia in armis,  
Et ferre invictis aspra & acerba animis.  
Nec mihi cura mei est usquam. curam anteit omnem  
Vna Poli, & pura Religionis amor.  
Mille notant probris caput hoc crudelibus hostes,  
Absentisque cremant ignibus effigiem.  
De capite, ô fatui! vobis fas ludere tantum.  
De me qui statuatur Arbiter alter erit.*

## DAVID LYNDESIVS

Montanus Eques, Fæcialium Princeps, quem Regem armorum vocant, Poësi Scoticanâ, variâ eruditione, & veræ Religionis laude clarus, IACOBO IV & IACOBO V Regg. familiaris, iisdem temporibus floruit, A° Christi 1540.

*MELLIFLVI cantus Siren dulcissima, qualem  
Scotigenæ Aonides & recinunt, & amant.*

*Deliciæ Regum, tituloque ac nomine Regis.*

*Hoc fuerat Nato, quod fuit antè Patri.*

*Quàm Musis charus, quàm diis quoque Regibus olim,  
Tam verâ placuit Relligione DEO.*

### EPITAPHIVM

FORTISSIMORVM CIVIVM,

QVI CECIDERVNT

IN FVNESTA CLADE PINEIA

AD MVSSELEVRGVN,

QVA INCIDIT IN D. X. VII<sup>bris</sup>

ANNO CHRISTI CIO. IO. XLVII.

CONSTITERANT. confertæ acies, denseque phalanges,

*Non secus ac validâ mœnia structa manû.*

*Hinc trepidat, refugitque hostis. victoria nostra*

*Penè fuit, si non fata sinistra premant.*

*Occidimus: nostro meritas nec crimine pœnas*

*Pendimus. ab! quò nos credulus error agit?*

*Non animis virtus, non duris robur ab armis*

*Profuerat, fati præscia mènesve mali.*

*Occidimus, regni splor & vigor integer ævi:*

*Patriaque in nostro funere tota jacet.*

*Sparge rosas violasque. haud ulla beator urna*

*Tot tegit invictos Martia corda viros.*

### IOHANNES MALVILLVS Rethius,

Nobilis Fisanus, IACOBO V Regi olim familiarissimus, summa vitæ innocentia, ob puræ Relligionis studium, in suspitione falsi criminis, iniquissimo iudicio sublatus est  
A<sup>o</sup> Christi 1548.

QVIDNAM ego commerui? que tanta injuria facti?

*Hostis ut in nostrum seuiat ense caput?*

*Idem*



*Idem hostis, iudexque simul. Pro crimine, CHRISTI  
Religio, & fædo crimine pura manus.  
O secla! ô mores! scelerum sic tollere pœnas,  
Ut virtus sceleri debita damna luat!*

## GILBERTVS KENNEDVS

Cassilissæ Comes, GILBERTI filius, in legatione Gallica  
veneno cum aliis Proceribus petitus creditur. Obiit  
Diepæ a.d. xiv Novemb. A° Christi 1558.

*QUÆ decora heroum, quæ gens, quibus edita divis,  
Quos, quantos dederit diâ propago duces;  
Vnum hunc si spectes, spectaveris omnia in uno,  
Inque uno hoc omnis lucet imago domus.  
Priscos reddit avos. felix nova secla nepotum  
Excitat, & meritis auget utrosque suis.  
Plurima restabant; ni Fraus malè tecta veneno  
Tolleret. extrema funera Gallus habet.*

*INCUBAT usque gravis rebus Fortuna secundis:  
ET NUMQUAM æquali Fata tenore fluunt.*

## IACOBVS MONTGOMERIUS Comes,

IACOBI Lorgiani filius, multa pro Religione in Gallia re-  
natâ feliciter gessit. Hic est, qui in ludicro certamine  
provocatus HENR. II Galliarum Regem hastâ peremit  
a.d. iiv Eidus Iulias, ANNO CHRISTI 1559. Postea  
Donfronæ in Normanniâ obsessus, captus, Parisios de-  
ductus, præter fidem datam, Cath. Medices Reginae  
instinctu securi percussus est A° Christi 1574.

*GALLIA magnanimo dedit inchyta nomina, & ortus.  
Proximus à Scotis ordo genusque venit.  
Vtraque regna suam jactant, se jactat utrisque:  
Nec mentita atavos mens generosa cluit.*

*Non illo quisquam stricto concurrere ferro  
 Doctior. hoc cecidit. fulmine Gallus Atlas.  
 Im sacer armorum pro Religione renata  
 Ardor agit. lethi quanta pericla adiit!  
 Subsidium obsessis adversa per agmina vexit,  
 Præsentis miseros & relevavit ope.  
 Oppositæ stupere acies. Fraus crimine ficto  
 Sustulit. Hæc VIRTUS præmia sæpe refert.*

## IACOBVS SANDELANDIVS

Calderanus Eques, virtute, Religione, fide, & fortitudine  
 clarus. Vixit A° Christi 1560.

*GALLIA clara viris, quæ tot Marvortia jactas  
 Pectora; & augustis æmula terra notis,  
 SCOTIA, magnanimi tot nomina clara merentem  
 Nobiliorem in cætus hinc quoque ferte ducum.  
 Libertas animi celso sub pectore, pectus  
 Atque manus semper proque DEO & PATRIA.  
 Hinc quæ aliis domina est, facta illi est gloria serva.  
 Virtutem hæc dominam sponte secuta suam est.*

## ANDREAS STUARTVS Ochiltrijs,

Religionis Vindex, cujus domus piis omnibus semper azy-  
 lum fuit, iisdem temporibus claruit A° Christi 1561.

*AMBITIOSVS honos; fortune, gratia, luxus,  
 Sicut mihi, quamquam aliis maxima, visa nihil.  
 Te sequor æme DEVS, vos & meliora sequutos  
 O Procures! melior quos Deus intus agit.  
 Hinc sincera Fides, & veri Numinis ardor  
 Tollit humo, nostrum nobilitatque genus.*

*Est genus, & generis mihi Regum ex stirpe propages.  
Hæc mihi, & hæc potius sint potiora meis.*

### VALTERVS LONDIVS

Antiquæ & opulentæ familiæ in Fifa Princeps, in quâ decimus a GVILIELMO Rege (qui LEO dictus) recensetur, interruptâ successionis serie; ipse sæcundâ liberorum, Nepotum, & Pronepotum propage felix. felicitatem cumulavit beata Lux renascentis Religionis: pro quâ cum optimatibus senex arma sumsit. Moritur Prid. Nonas Martias A° Christi 1567.

*STAT domus antiqua, & gentis prælustris origo  
LONDIACÆ, divis. Regibus orta atavis.*

*Didita per Varias stirpes, & nomina, lætâ  
Progenie, adsciscit stemmata clara suis.*

*Hinc memorat VALTERVS avos, titulosque vetustos.  
Huberis hic habitat jugera læta soli.*

*Post decora hæc Atavium, & tot felicia secla,  
Succedit diæ Relligionis bonos.*

*Vivida cui juveni Vegeto sub pectore Virtus:  
Nec pudet armorum pro Pietate senem.*

*Quæ tot clara retrò numerat Gens secula Avorum,  
Hoc meruit cum Diis vivere perpetuum.*

### IACOBVS STVARTVS

Moraviæ Comes, Prorex pro IACOBO VI rem Scoticam feliciter gessit, puræ Religionis Assertor acerrimus. Ab æmulis Limnuchi ex insidiis glande trajectus, magno omnium desiderio moritur ad d. XXIII Ianuarii, Anno Christi 1570.

*TER tua dicturus cum dicere singula conor,  
Ter numeri, & numeros destituere soni.*

*Nobilitas,*

Nobilitas, animus, probitas, sapientia, virtus,  
 Consilium, imperium, pectora sancta, fides,  
 Cuncta mihi simul hæc instant certamine magno:  
 Ut sibi, sic certant viribus ista meis.  
 Ipse adeò Aonides cum vellet dicere, cedunt  
 Sponte sua moneris hæc, Buchanane, tuis.

IDEM

*Georgio Buchanano Auctore.*

QUAMVIS flere nefas te celo IACOBE receptum,  
 Tot populis nunquam mors fuit ulla gravis.  
 Nulla unquam tantum se ingressit pectore virtus,  
 Signa nec ostendit tam manifesta sui.  
 Nullo unquam Impietas gavisæ est funere tantum,  
 Nec sibi plus juris credidit esse nefas.  
 Ista licet tanto genitrix sit Scotia luctu,  
 Tam genitum gaudet, quam perisse dolet.

## MATTHÆVS STUARTVS

Levinia Comes, IACOBI VI Regis Avus Paternus, idem-  
 que pro Nepote suo Prorex, in repentino tumultu ab  
 hoste captus, eodem die cum custode suo, eadem infelici  
 glande transverberatus interiit Sterlini, IV Septemb.  
 Anno Christi 1571.

*Georgio Buchanano Auctore.*

REGIS avus, Regis pater, alto è sanguine Regum,  
 Imperio quorum terra Britannia subest,  
 Matthæus: genuit Levinia: Gallia fovit:  
 Pulso Anglus thalamum, remque, decusque dedit.  
 Cepi invicta manu. famam virtute refelli.  
 Arma armis vici, consilioque dolos.

Gratus

*Gratus in ingratos. patriam justæque pieque  
Cum regerem, hostili perfidiâ cecidi.*

IDEM

*Iohanne Ionsono Auctore.*

*SORS, animus, mores, momentaque singula rerum,  
Vt taceam, arguerint semina diâ domus.  
Sors misero illudens cumulat mala multa. Stetit mens  
Celsior, haud ullis contremefacta minis.  
Ante oculos cerno crudelia funera Nati,  
Atque uno in Nati finire mille neces.  
Hinc petit Invidiæ rabies: hinc dira Tyrannis  
Vexatum patriâ cedere cogit humo.  
Exilium exitio est. Tanto cessisse furori  
Pœnituit. miseros hæc dedit hora Lares.  
Vis melior Fati Fatum domuisse videri  
Iam poterat, cum me mors properata rapit.  
Cur furcata in nos sic surgunt Fata? Deorum  
Immortale genus, quod sumus, illa probant.*

## ARTVRVS FORBOSIVS

Consilio & manû promptus, ante suorum aciem ardore pugnandi provectus à Gordonianis cæsus est ad Tullium-Angusiani xī Octob. A° Christi 1571.

*CVR tantum memoras ARTVRVM Brittona gestis  
Tot celebrem, superans Fama vetusta fidem?  
Me specta veris illum Virtutibus auctum.  
Materies tantum, non manus illa deest.  
Quod si Fama voles nostris tantum addere rebus,  
Auspiciis fiam non minor ipse tuis.*

G

IOHANNES



## IOHANNES ARESKINVS

MARRIÆ Comes, Prorex pro IACOBO VI moritur Ster-  
lini XXIX Octobris, A° Christi 1572.

*Georgio Buchanano Auctore.*

SI quis ARESKINVM memoret per bella ferocem,  
Pace gravem nulli, tempore utroque pium:  
Si quis opes sine fastu, animum sine fraude, carentem  
Rebus in angustis suspicione fidem:  
Si quòd ob has dotes sevis jactata procellis  
Fugit in illius patria fessa sinum;  
Vera quidem memoret, sed non & propria: laudes.  
Qui pariter petet has unus & alter erit.  
Illud ei proprium est, longo quòd in ordine vite  
Nil odium, aut livor quod reprehendat, habet.

IDEM

*Iohanne Ionstono Auctore.*

NOBILIS heroum soboles, cognataque calo  
Pectora, mens, virtus, robora, rara fides.  
Que celi Genius celso dignatus honore  
Subvehit, & pure Religionis amor.  
Obsequio in Reges, cultu, studioque fideli  
In patriam, meritis nec prior ulla domus.  
Hec vestra... hæc vestri dederant decora inclita Patres;  
Succedens veteres gensque perennat avos.  
His stetit antiquum vobis decus: hisce paratum.  
Nec rapere hoc vestrum mors potis ulla decus.  
DEMETIT atra manu mors omnia. AT inclita Virtus,  
Et Pietas æquant ultima secla deum.

ALEXANDER

## ALEXANDER HVMIVS

Fortissimæ & clarissimæ gentis Princeps, moritur ANNO  
CHRISTI 1573.

SVNT mihi opes, animique, & Martia turba clientum,  
Doctæque gens acri bella ciere manu.  
Nec mihi parva cluit sumptis modò gloria ab armis,  
Et steterunt dextrâ signa parata meâ.  
Illectus falsâ veri sub imagine, vertor  
Nunc aliò: atque aliò Sors mihi versâ abiit.  
Si par magnanimis adsit constantia cæptis,  
Primos me possis inter habere duces.

GVILIELMVS KIRCALDIVS  
*Grangeanus*

Animi, corporisque robore invictus; duëlli gloriâ de fortis-  
tissimo hostium ad certamen provocante partâ, utriusque  
partis spectante exercitu, clarus. Pro Religionis & Patriæ  
libertate contra Gallos in Scotia militantes pugnavit  
Eques, Pedes, Solus, & cum Sociis, prospero semper  
eventu. Sed dispar fortuna in exitu fuit. Ad extremum  
enim mori coactus est in foro Edimburgensi III Nonas  
Sextileis A<sup>o</sup> Christi 1573.

MAGNANIMOS huc pone duces, quos incluta Roma  
Extulit, & si quos ultima secla canunt;  
Non minor hic animis, atque immortalibus ausis;  
Non minor invictis dextra superba animis.  
Accola scit Rhodani & Ligeris: scit belliger Anglus,  
Quaque patet gemino Scotia mista sono.  
Quam bene consultum Patriæque, sibi que, suisque,  
Ni malè consultum callida fraus raperet!

PRÆCIPITI *Fortuna loco est; facilisque retrorsum  
Est via, ni teneas cum ratione modum.*

## GILESPICVS CAMBELLVS

Argatheliæ Comes, paternarum virtutum æmulus, tantâ familiâ dignissimus, Religionis Assertor fortissimus, moritur A° Christi 1573.

GENS *Albina, vetus, gemini incunabula Regni*

*Quæ posuit, (fuèrant nam duo Regna priùs:)*

*Illa viris armisque potens, totque aucta tropæis,*

*Quæ dominos rerum tot dedit iura Deos;*

*Hæc & avos, atavosque dedit. loca prisca tenemus,*

*• Tecta, Lares, mores, & decora alta ducum.*

*Sufficeretque vetus nobis ea gloria: verum*

*Major ad ignoti nos vehit astra Poli.*

*Adscriptique Dei jam sancta in federa cives,*

*Magnanimi audemus pro Pietate mori.*

*Gens quæ jura priùs dederat, nunc accipit. Ergo*

*Bis felix: quæ dat, quæ nova jura capit.*

## KENOTAFION

Scotorum militum, qui ab amicis & sociis improbâ rabie contrucidati sunt in castris, ad Wessenburgum, medio inter Revaliam & Narvam itinere in Livoniâ. Anno Christi 1574.

SCOTIA *bellaces variis quæ sufficit oris,*

*(Scotia facta armis, totaque facta viris:)*

*Poscentique etiam mittit tibi SVECIA turmas,*

*Quæis freta auxiliis Moschica regna premas;*

*Quæis sine nec tua tuta satis, nec pellier hostem*

*Posse putas, Russos profubigique truces.*

*At tu*

*At tu barbaricis Russorum immanior hordis,  
 Auxiliatrices perdere es ausa manus.  
 Nec datur immanem contra se Marte tueri  
 Sævitiā. his pariter castra, acies, tumulus.  
 Infelix tellus! tamen isto cespite felix,  
 Quo tegeris, tegis & tot monumenta virū!*

## ALEXANDER CVNINGAMVS

Glencarniæ Comes, cognomento BONVS, acer Religionis  
 Assertor, moritur A° Christi 1574.

*QVID temerè inceptant nascentis lumina lucis  
 Opprimere? At frustra indicere bella DEO est.  
 Pro nobis DEVS est. Divino robore freti,  
 Intrepide audemus ire per arma virū.  
 Ille olim Isacidas divisa per æquora vexit,  
 Subducens Phario libera colla iugo.  
 Quo duce rumpo vias. Gallorum millibus ingens  
 Terror eram, signis quæ pavescēta meis.  
 Fortem, felicem me dicunt secula. Sed quæ  
 Nomina dat Pietas sunt potiora mihi.  
 Nomina quid? Res certa mihi est, Spes certa coronæ  
 Calitis, & divīs inferor ordinibus.*

## THOMAS MEZENTIVS

Heros magnificus, Urbis Abredonensis Præfectus, moritur  
 xii Kal. Ianuarii, A° Christi 1576.

*QVI priscis gaudens titulis, & jure vetusto,  
 Inter tot claros eminet unus avos;  
 Clare Urbis prælustris honos, princepsque, caputque;  
 Famâ, cultu, animis quæ præit aliis.*

*Magnificis opibus, numeroque potente clientum,*

*Prole, nuru, & generis clara frequensque domus.*

*Hec pueri in patria quondam nos vidimus. Eheu!*

*Quò rerum species illa decorque abiit?*

*Semina adhuc divina domus, generisque supersunt,*

*Sanguinis & noscunt secula prisca notas.*

*DISCE Vices rerum. Tanta hæc mutare vetustas*

*Evaluit. Quæ stant jam quoque regna ruent.*

### IOHANNES LEON *Glammius*

Magnus Scotiæ Cancellarius, omni virtute clarus, literarum patronus singularis; dum civilia inter Proceres discidia sequester componit, ipse infelici glande trajectus, solus in repentino tumultu periit Sterlini *XVII* Martii, Anno Christi 1577.

*NOMINA quid terrent? feritas hic nulla leonum.*

*Mitia magnanimo pectore corda gerit.*

*Quantum animi ingessit generosa in pectora Mavors;*

*Tantum animum faciles excolere Deæ.*

*Rarus honos Musis: studiorum nobilis author:*

*Et pater, & patriæ splendida fama sue.*

*Dum patriæ pacem concussæ turbine rerum*

*Conciliat, diris occubat insidiis.*

*Impia, dira manus, non hostem cædis: At isto*

*Vulnere crudelis quod petis, est Patria.*

### GVILIELMVS KETHVS

Georgii Comitis Marechalli Scotiæ Frater, magnæ spei Iuvenis, in ipso ætatis flore, infelici vulnere prope Genævæ urbis moenia sublatus, ingentem luctum Genevensium Urbi,



Urbi, ac maximos mærores suis omnibus reliquit, xxiv  
IulI, A° Christi 1577.

THEODORO BEZA Auctore.

HEV GVILIELME, quibus lachrymis tua fionera, quoniam  
Fletu satis deplanxero?  
Tene igitur pietatis amor, viteque beatæ  
Ardore pectus faucion,  
Per maria & terras Arctoe à finibus oræ,  
Genevæ ad urbem adduxerint,  
Inflicto (heu facinus!) sceleratæ vulnere dextræ,  
Vitam Genevæ ut poneres?  
Insuetumque diu pacatæ civibus urbis  
In te inchoaretur scelus?  
Nec te animi virtus juvit generosa, suoque  
Par corpus ingens hospiti?  
Et quem sperabant auctum spectare parentes  
Corporis & animi dotibus,  
Lugebunt vitâ cassum: saltemque jacere  
Tellure patriâ velint?  
Commissumque tibi (dicant fortassis) alumnium  
Nobis Geneva reddito?  
At vos lugubri vobis quoque voce Geneva,  
Audite, quid respondeat.  
Testor, ait, celi verum mihi Numen amicum,  
Legesque testor patrias,  
Displicuit facinus, quantum justisque piisque  
Par displicere civibus.  
Nec culpâ hic nostrâ sceleratus vivit inultus,  
Vindicem habiturus alterum.  
Quinetiam hæc fanti caelesti ex arce GVILELMO  
Vos, ô parentes, credite:

Ne me,

Ne me, ne juvenem indignâ ceu morte peremptum

Avus, paterque, plangite;

Celorum at potius subito sic arce recepto

Vterque gratulamini.

Namque piis, ferro, placidâ seu morte quiescant

Iuvenes, senesque mortui,

QVÆ vitam hanc miseram lux terminat, hæc simul ævi

Vsum perennis inchoat.

IDEM.

IOHANNI IONSTONO *Auctore.*

TOT maria, & terras sancto virtutis amore

Emensum amplexa est culta Geneva sinu;

Dumque viam præit illa mihi ad sacraria cali,

Sustulit immiti Morta maligna manu.

Nulla unquam flevit sic funera mesta: perennes

Sufficit in fletus ipse Lemannus aquas.

Parce Pater lachrymis, germanaque pectora, tuque Urbs

Hospita. Si patrii hinc tecta adeunda Poli,

Non poteram propiore solo, potiore recessu,

Hinc petere ætherei lucida templa Poli.

### GVILIELMVS KETHVS

SCOTIÆ Marefchallus Comes, GVILIELMI optimi & piissimi qui obiit x Augusti, Anno 1580, Pater; GEORGII Comitis, qui dignitatem avitam nunc tenet, & GVILIELMI illius, qui Genevæ infausto vulnere peremptus est, Avus: singulari pietate, prudentiâ, & vitæ innocentia, GVILIELMO Filio & Nepoti superstes, extremâ senectute piissimè obiit ad d. vii Octob. Anno Christi 1581.

MENS tranquilla animi; gravis & pacata senectæ,

Clara domus proavis, prole, Lare, atque opibus.

*Visus*

*Vifus es his tantis fortunatifsimus HEROS,  
 Parque odio aut major Sortis & Invidia.  
 AT MALA sunt subtexta bonis. Duo funera cernis,  
 Iſta pii Nati, ac illa Nepotis erant.  
 REBUS in humanis nil fas dixiſſe beatum,  
 Fatalem donec verterit hora rotam.*

IACOBVS CRITONIVS *Clunius,*

Mufarum pariter ac Martis alumnus, omnibus in ſtudiis, ipſis  
 etiam Italidis admirabilis; Mantuæ, à Ducis Mantuani filio  
 ex nocturnis infidiis occiſus eſt, A° Chriſti 1581.

*ET genus, & cenſum dat Scotia. Gallia pectus  
 Excolit. Admirans Itala terra virum  
 Ambit; & eſſe ſuum vellet. Gens æmula vitam  
 Abſtulit. An ſatis hoc dicat ut illa ſuon?  
 Mantua habet cineres, ſcelus exſecrata nefandum.  
 At tumuli tanto gaudet honore tamen.*

## IACOBVS DVGLASSIVS

Mortoniſ Comes, Prorex Remp. cùm aliquot annis felici-  
 ter pro IACOBO VI rexiffet, ſecuri cervicem præbere  
 juſſus in foro Edinburgenſi, inſtabilitatis rerum humanarum  
 rarum exemplum poſteris reliquit, poſtridie Kalen-  
 das Iunias A° Chriſti 1581.

*HVNC ſpecta Heroëm, celſo cui ſpirat ab ore  
 Maieſtas, toto & pectore rarus honos.  
 Auguſtos inter terrarum lumina Reges,  
 Pro Rege & Domino Regia ſceptra tulit.  
 Conſilium, imperium, virtus, ſaciundia, cenſus,  
 Quæque homines capiunt, quæque dedere Dei,*

H

Vnus

*Vnus cuncta fuit. nihil ad fastigia summa*

*Desuit, æternum si sua Fata darent.*

*Sed viden' ut subito Fatorum turbine versa.*

*Omnia, & in præceps pondere pressa suo?*

**DISCITE** mortales mortalia temnere, & illa

*Querere, quæ miseris non rapit aura levis.*

**IOHANNES COCBVRNVS Ormistonus,**

Nobilis familiæ Princeps, verâ pietate & virtute clarissimus,

Religionis & bonarum partium. fautor & assertor constans

& gravis, moritur Edinburgi ad diem *xxiii* Novemb.

Anno Christi 1583.

**CLARA** domus genere, & meritis illustris avorum,

*Perfugium miseris, hospitiumque bonis:*

*Calitus accipiens æternæ incendia lucis*

*Lumina diffundit larga benigna aliis.*

*Hec tibi dat lucem: lucem tu reddis & illi,*

*Vester & immensâ luce refulget bonos.*

*Frustra molitur male-sana protervia ferro*

*Tollere. Nōne Dei provida cura tegit?*

**FIDE DEO. PIETAS** homini tutissima Virtus.

**CETERA** spes mendax destituit miseros.

**HUGO MONTGOMERIUS,**

Eglintoniæ Comes, cæsus ab æmulis ad Annocum amnem

ad d. *xlii* Aprilis, A° Christi 1586.

**ILLA** opifex sollers rerum, magni æmula Olympi

**NATURA,** immensis ambitiosa opibus;

*Illæ sibi de te certans quæ singula, rara,*

*Vix aliis, dedit hæc cuncta benigna tibi.*

*Sic artus, sic ora, animos, sic pectora finxit,*

*Ceteraque humanis anteferenda notis:*

*Vix aliquem ut credas mortali semine cretum,  
At quales tulerunt secula prisca deos.*

*Invidiosa nimis visa hæc mortalibus. Ergò*

*Tollere mox properat insidiosa manus.*

*FORTVNAM ingentem gravior sepe exitus urget:*

*Præcipitiq̃ vides fulmine magna quati.*

### IOHANNES IONSTONVS *Annandianus,*

Princeps gentis suæ, limitum Occidentalium Præfectus,  
moritur v IunI, A° Christi 1587.

*GENS connata armis extremo in limite, duris*

*Hostibus hinc, celsis obsita & inde jugis:*

*Callida ferratas dextrâ vibrare sarissas,*

*Sive placet bellum cominus ense geri,*

*Sive per acclines montes, per tesqua, viarumq̃*

*Invia, pennato subdere calcar equo:*

*Hoc sumus. hæc primæ nobis elementa iuventæ.*

*Hinc animus, robur, consiliique vigor.*

*Sors varia. At victrix generoso in pectore virtus*

*Enitet, & nullo turbine fracta jacet.*

*Ante diem quamvis properarunt funera Paræ:*

*Stat tamen in Nato fama secunda meo.*

### ARCHIBALDVS DVGLASSIVS

Angusiæ Comes, cognomento BONVS, singulare fidus  
seculi sui, magnum sui desiderium apud omnes bonos  
reliquit moriens, A° Christi 1588.

*QVIS neget, ô Heros, lapsum te sede supremâ*

*Calicolum, cali quem tegit usque favor?*



*Virtutum accipiens caelestia semina ab astris,  
 Hec largo in terras senore tota refers.  
 Flos Procerum, Patriæque; tui lux aurea secli:  
 Si lucem hæc tantam secula ferre queant.  
 Tanta præit juveni rerum si gloria, qualis  
 O tandem, quam sicut Fata datura seni?  
 Ah Fera fata trahunt! Major stat gloria celo.  
 Cælum oriens, abiens, semper ubique tenet.*

*Inclytæ DVGLASSIORVM Genti,*

*Toties de re Scoticâ bene-meritæ.*

*VNDE mihi surgunt tot Martia nomina gentis?  
 Quis locus his, aut quâ parte locanda feram?  
 Sapiade, Decii, hic assertoresque Camilli,  
 Et quotquot celebrat Martia Roma duces.  
 Hos ubi jam sistam? vel quonam carmine cunctos  
 Exequar? an paria his me dare posse putem?*

IACOBVS HALIBVTONVS

*Præfectus Taodunensis annis XXXIII, Equitumque Regio-  
 rum ductor, vir, fortissimus, Religionis Assertor gravis,  
 moritur pridie Kalendas Februarias, A° Christi 1588.*

*Andrea Melvino Auctore.*

*TE Patria oppressam eripui bellacibus Anglis,  
 Eripui Gallis, Romulidumque iugo.  
 Restitui tibi te ereptam civilibus armis.  
 Lux vitæ integræ, laus sine labe fui.  
 Tueda, Taus, mihi Glotta, mihi Bodotria testis,  
 Cuique Caledonio Grampius Oceano.*

*Alectum*

*Alektum Aeneja felix me praeside longiam;  
Longius esto mei praesidio tumuli.*

IDEM

Iohanne Ionslono Auctore.

**CORPORE** non magnus, major sed viribus, acri  
Pectore, & intrepida mente manuque simul.

*Impiger innumeris pro Religione periclis*

*Objecit toties Marte furente caput.*

*Cetera si taceam, quae Sors tulit obvia belli:*

*Hocce tuum, hoc fortes nam peperere manus.*

*Ecce incurstantes tres uno in tempore in unum;*

*Ecce unus sternit corpora vasta trium.*

*Ergo consilium, pietas, tot pectora, robur,*

*Sic poterant parvo corpore cuncta capi?*

### N. MONTGOMERIUS Lorgianus

**IACOBI** Comitis filius, belli gloria clarissimus, in postremo bello civili, pro Religione fortem & fidelem operam navavit **HENRICO IV** Francorum & Navarrorum Regi. Infausto vulnere caesus est ad Dolæ moenia in Britannia Gallica ad d. XI Ianuarii A° Christi 1590.

**AVDAX** mille nece per aperta pericula querit.

*Euthea vis totam pro pietate quatit.*

*Bellantem quoties hunc vidit Gallia in armis,*

*Belligeri toties credidit arma Dei.*

*Belliger hinc Mavors nec se iactaverit armis,*

*Si non Marte suo fulmina tanta premat.*

### PATRICIUS LYNDESIUS à Byrris,

Religionis vindex, vir fortissimus, moritur ad d. XI Decembris, A° Christi 1589.

**DVM** Mars cuncta ferox peregrino milite vastat,

*Et duplici Patria vulnere pressa gemit,*

H 3

bi di-

*In dubiis fulsit rebus tua plurima virtus,  
 Estque Deo & Patriæ certa probata fides.  
 Seu pedibus, seu poscit equo te fervidus hostis,  
 Sive petis, dura robore victus abis.  
 Lethea, Langsalam, Creichon, Carbarrius, ista  
 Horrida militie sunt monumenta tue.  
 Iam positis armis paci suspendis & arma  
 Ipse tua. Est pacis nec tibi cura minor.  
 Talis vita fuit. felix mors inde secuta.*

*OPTIMA mors, cæli quæ venit aucta bonis.*

### IOHANNES CAMBELLVS *Cadellus Eques,*

Heros laudatissimus, securus nocturnas per insidias nefaria crudelitate petitus occidit, III Februarii, Anno Christi 1592.

*ERGÒ fides, pietas, probitas, sapientia, virtus  
 Sic uno in tristi funere cuncta jacent?  
 Vnquam si decuit tot lumina rapta perire;  
 At tali indignum sorte perire fuit.  
 Heu quæ invisa manus potuit sic perdere? quæ fraus?  
 Cur Nox insidiis insidiosa faves?  
 Dite Manus fata, Fraus Furiis, Nox edita ab Orco,  
 Divina haud poterant lumina ferre Viri.*

### IACOBVS STUARTVS

Moraviæ Comes, à conjuratâ hostium manu, domo suâ ad Fortham prius incensâ, multis vulneribus confossus est, ad diem VI Februarii, A° Christi 1592.

*PECTORE magnanimo species veneranda renidet,  
 Et decus, & decori gratia juncta suo.*

*Magnani-*

*Magnanimum qualem memorarunt Hæctora Vates,  
 Qualis & Alcides conspiciendus erat.  
 Quin super hos spes alta, ingens, magna omnia vincens  
 Extulerit, si non invida Fata premant.  
 Et premere haud potuit mortalis dextera. Vis, fraus,  
 Inique unum coëunt cuncta elementa simul.  
 Instat flamma, urget furus, premit unda, sepulchrum  
 Terra negat. Cali sidera sola patent.  
 Sic divum genus è patris quod decedit astris,  
 Scilicet hoc decuit astra subire gradu.*

## IACOBVS COLVILLVS

IACOBI Colvilli Wemiffi filius primogenitus; prudentia,  
 pietate, & fortitudine supra ætatem insigni, in adolescen-  
 tiæ flore spes maximas morte præreptus destituit, An-  
 no Christi 1524.

*MARTIS progenies Pater. At patris inclyta proles  
 Musarum & Martis flagrat amore simul.  
 Musarum ad sacros latice ductante MORAVO  
 Phæbigenâ, largè fluminis hausit aquas.  
 Primum opibus tamis Patria imbuit. Excolit inde,  
 Francia Mavortis gloria & Aonidium.  
 Videt & obstupuit juvenem virtute valentem  
 Vrbis ValerI, Hispano milite cincta truci.  
 Ah! si Fata virum servassent! haud foret ullus  
 Musarum aut merito Martis honore prior.*

## IOHANNES METELLANVS

Magnus Scotiæ Cancellarius, moritur III Octob. Anno  
 Christi 1595.

*POST varios rerum casus, vultusque, vicesque,  
 Dum sequor ambiguae sceptrum superba Dea;*

Hic primum quàm non steteram cognoscere capi,  
 Quando me Fati vis inopina trahit.  
 Quid proavi, quid pulchra domus, quid gloria, opesque?  
 Cetera quid, mundus que veneratur iners?  
 Frustrà hæc mortales! Quemquam istis stare beatum  
 Creditis? ô vana! ô pectora cæca hominum!  
 STAT felix ille, æternum quò perstet in ævum  
 Qui satagit. STABILE hic perpetuumque NIHIL.

## II.

IDEM de se moriens.

VIXIMVS. At PATRIA & PIETAS ignoscite: vobis  
 Quam potui, heu doleo! consuluisse minus!  
 QUANTVLA vita hominis, quàm mens male-provida! nostro  
 Si sapiis exemplo, VIVE DEO & PATRIÆ.

## ROBERTVS MONTGOMERIVS

HVGONIS Comitis illius, qui ab æmulis sublatus est, Frater,  
 post incredibiles planè res gestas in fraternæ cædis ul-  
 tione, depositis armis, & damnatâ vindictæ cupidine,  
 piâ & placidâ morte obiit die XX Augusti, ANNO  
 CHRISTI 1596.

VINDICIBVS quantum nuper gravis arsit in armis,  
 Dum parat, heu! fratris Manibus inferias;  
 Nunc tantùm damnat sumpta infeliciter arma,  
 Atque dolet tristes funeris exequias.  
 Nempe inimicitis positus, ac vindice ferro,  
 Pacatoque animo jam potiora fovens,  
 Edicit cunctis tam dirum ponere ferrum.  
 SCILICET ultorem sanguinis esse DEVM.

Fortissimis



Fortissimis viris in obsidione Hultsi cæsis, fulminante ad moenia ALBERTO Archiduce Austriaco, A<sup>o</sup> Christi 1596.

QVID mirum ex animis animos discrimine tanto  
Excidere? Et quis non fulmina tanta tremat?  
Fulmina terrifico quatientia teeta fragore,  
Iunctaque nimbiferis horrida tela globis.  
Ast magis, hocce magis vobis vis mascula surgit,  
Atque animos addiunt aucta pericla novos.  
Hispanæ tremuere manus, stupuere cohortes;  
Torpuit occulto mensque soluta metu.  
Lam jurant non hos Geniis mortalibus ortos:  
Aut si homines, majus nomen adesse Dei.

IACOBYS LVMISDENVS *Arderius,*

MORITUR XXIII Augusti, A<sup>o</sup> Christi 1598.

PRIMA, decus, thalamos, & opes mihi contulit ætas,  
Proxima at innumeris aucta pericla malis.  
Vivere cum desu, vixi. Quod defuit ævi  
Mortalis, nobis vita beata dedit.

LACHLANVS MACLANVS *Duartius,*

Excelfo prorsus animo, & Heroicâ corporis dignitate pariter & robore; cum nobilissimis Heroum veterum virtutis laude comparandus, ex insidiis per sororis suæ filium indignissimâ morte peremptus est, A<sup>o</sup> Christi 1598.

HEROVM veterum nova gloria, fama novorum,

Fama vetus, pariter gloria prisca, recens.  
Obijce tela, neces & mille pericula rerum;  
Deficient citius tela, pericla, neces;  
Quam MACLANO animi, aut animis sua robora, dextræ  
Pectora, pectoribus consilivæ vigor.

NVSQVAM, heu! tuta fides. ferit impia dextra Nepotis.  
HEROEM hæc nullum secula ferre valent.

### ALEXANDER MORAVIVS Tullibardinus,

Scotorum militum in Belgio præfectus, ad BOMMELIAM  
ictu maximi tormenti aëni prostratus est ad d. XVII  
Maii A° Christi 1599.

QVID sibi vult tanto rerum molimine Iberus,  
Cogat ut immensas totius orbis opes?  
Ne percussa minis metuas BOMMELIA: frustra  
Te poscat: vires senserat antè tuas.  
Hoc caput ille, ferox poscit, me destinat unum.  
Exitio, satis tu redimenda meis.  
O utinam hoc nostro possem satiare Tyrannum  
Sanguine! jam felix Belgica terra fores.

### IOHANNES CARMICHAEL

Eques fortissimus, à conjuratâ Latronum limitaneorum  
manu, de tribu Armistrangiorum, cùm ad jus dicen-  
dum patrio more veniret, ex insidiis in via occisus est  
ad d. XVI Iunij, A° Christi 1600.

DVM parat extremis populis propè limite in ipso,  
Ævus ubi Anglorum distinet annis agros,  
Dicere jus, ac jure Vagos cohibere latrones,  
PRINCIPIS augusti jussa, vicemque obiens,  
Gens legum impatiens, gens raptò vivere sueta,  
Exceptum diris sustulit insidiis.  
Nemo magis gravidas callens torquere sarissas,  
Et patrui moris nemo magis retinens.  
Heu! ubi nunc jus, fas? si sic impunè verendi  
Sacra Magistratus contemnerare licet?

ALEXANDER

## ALEXANDER BRVSSIUS

De Aula-Comitis, verâ pietate, & vitæ sanctimoniâ præstans, moritur prid. Kal. Novemb. A° Christi 1600.

SCEPTRIGERÛM antiquâ ducens ab origine fastos

BRVSSIADÛM, haud tantis se tulit indecorem.

Intemerata domus vitiiis, virtute refulgens:

Mensa parata bonis, splendida, culta, decens.

Mens scelerum exhorrens, tam gaudens simplice recto,

Quam scelere & vitiiis nobilium aula viget.

Corpore defecto, spretis mortalibus, unum

Sancta anima ex animo querit habere DEVM.

Querit amans; quærensque habuit sub pectore sancto;

Quo sine vita unquam, vita nec ipsa fuit.

## ALEXANDER BODIVS

Felici Genio ad omnem literarum & virtutis cultum natus, eruditionis & ingenii Poëtici pulcherrimis relictis monumentis, peregrinatione per magnam Europæ partem bis obitâ clarus, præmaturâ morte in florentis ætatis cursu raptus est 14 Eidus Aprileis, A° Christi 1601.

HEROVM genus antiquo de stemmate avorum,

Quos tulit Heroium Martia terra parens.

Qui dedit Heroas divinâ carminis arte,

Gracia queis felix, queis cluit & Latium:

Quique pari cultu divas dedit Heroïnas

Quas famâ illustres secula cana ferunt.

Ipse animis Heros, & dio frontis honore.

Heu! nunc extinctum decolor umbra notat.

Quid mirere igitur BODIVM hîc spectarier? Inter

Heroas meruit jure tenere locum.

## IACOBVS DVGLASSIVS

Buchainæ Comes, ROBERTI Patris optimi filius simillimus, familiæ unicus hæres, ac paternarum simul omnium virtutum, inter maximas mortalium spes, & suorum vota, anno ætatis  $\overline{\text{XXI}}$  exacto, maximo omnium desiderio & dolore extinctus est ad d.  $\overline{\text{XXIV}}$  Augusti A° Christi 1601.

ILLE suæ spes fera domus, spes ocyus omnes  
 Prævortens, in se verterat ora hominum.  
 Ante annos, animosque acres, cîrasque virileis;  
 Atque gerens patrio pectora plena DEO.  
 Avea lux gentis, magni genitoris Imago;  
 Deliciæ Aonidium, dulcis amor Charitum.  
 Vix medio in vitæ cursu, & vernantibus annis  
 Tantas spes rerum destituit properé.  
 O spes præcípites rerum! ô fallacia vota!  
 Quàm nihil humanâ fidere sorte decet!  
 AT SPES alta Poli, caelestibus aucta tropæis,  
 Clara per ætherias tollit in astra vias.

## EPITAPHIVM eidem.

HEIC jacet ante diem lachrymoso finire raptus,  
 Flos Patriæ, & gentis splendor DVGLASSIADARVM.  
 NVLLO umquam tantum gavisa est hospite Tellus.

## IACOBVS LYNDESIVS à Byrris,

PATRICII fortissimi Heroïs filius, PIETATI & PATRIÆ  
 devotus, moritur  $\overline{\text{V}}$  Eidus Novemb. A° Christi 1601.

LIMINE in augusto recubat LYNDESIVS Heros,  
 Magnus avis, magno nec Genitore minor;  
 Seu PATRIÆ pia jura vocent in prælia dexteram;  
 Seu PIETATIS opus forté requirat opem.

*Cui sincera Fides, cælo gratissima Virtus,  
Candida mens cælo in pectore, larga manus.  
Ab jactura gravis! tamen hoc solatur amicos,  
Virtutum hæredem quod superesse vident.*

*In Exequias illius funebres, quæ profusâ in terras  
nive cohonestatæ sunt.*

*CVR nive canet humus? LYNDESIVS inclutus ortus  
Ætherio, è terris astra serena subit.  
Aurea mens, & cana Fides, candore nivali  
Purior, in terris quando habitura parem?*

## EPITAPHIVM

EORVM

QVI PRO RENASCENTE

RELIGIONIS LVCE

IN GALLIA

MORTEM FORTITER

OPPETIVERVNT.

*HÆC Mars, hæc Pietas, gemino hæc sub nomine Tellus  
SCOTORVM meritis signa superba locant.  
Robora, quot magnis numquam tenere Mycenis,  
Magnanimum rapuit Gallia dura Virum.  
Felici geminam meruerunt finire vitam:  
Hanc Virtus, Pietas donat habere aliam.*

## EPITAPHIVM

FORTISS. VIRORVM

QVI

PER HÆC BELLA CIVILIA

IN BELGIO

OCCVBERVNT.

*VOSNE etiam hic memorem, fortissima pectora, cives?  
(Plus quàm etiam cives Belgica terra vocat:)*



*Par utrique decus genti, par gloria rebus.*

*Huic animam, atque omne huic, quod dedit illa, datis.*

*Vna salus, iidemque Lares, sanctique Penates,*

*Sollicitudo, metus, vita, pericla, neces.*

*Præterea an quidquam poscat sibi patria tellus?*

*Quin patriâ vobis Belgica terra prior.*

*Vulnera quot numerant hostes, quot Belga triumphos,*

*Hinc vobis totidem parta tropæa nitent.*

*Æratæ haud terrent acies, non dura minantum*

*Agmina, Belligeri sæva nec ira Dei.*

*Iam vos felices tandem certamine functi.*

*At quænam ô Belgis meta laboris erit?*

*Da fessis finem rebus, da cernere portum*

*Alme PATER. Tibi nos thura, precesque damus.*

FINIS.

## IN IOHANNIS IONSTONI

Historiam Illustrium Heroum

Carmine expressam.

**D**VM canis HEROAS meritisque & fortibus ausis

*Insignes, Patriæ Lumina magna sue,*

*Tu gratus Patriæ civis: Tu civibus idem*

*Te charum esse facis. Quid potiora velis?*

*Fallor? an his ipsis, quos dno carmine laudas,*

*Nomina cum Titulis queis rediviva facis,*

*Te facis esse parem? Scriptori ne sua desint*

*Præmia, perpetuum nomen ab arte feres.*

*Hinc illis à te crescet, tibi crescet ab illis*

*Gloria. Felices vivite honore pari.*

Th. Cargillus Abred. S. R.

*De iisdem*

*De iisdem ION. IONSTONE Heroibus evo dignis.*

ORNARUNT Patriam Proceres; Patriam Proceresque

Ille Caledoniâ primus in Historiâ.

Sic decori antiquo nuper decora addita. sed nunc

Ecce isti atque illis auctus ab arte decor.

Tu primus IONSTONE Tawm, Tyberim quoque mensus,

Musarum immensum combibis Oceanum.

Te duce nunc plaudit pedibus, nunc carmina dicit

Marte Heros magnus, maximus arte tuâ.

Quantum ornant Patriam Proceres, Patriam Proceresque

Ille Caledoniâ primus in Historiâ:

Tam tibi nunc debent BUCHANANVS, & Insula, & Heros:

Tu Procerum, & Patrie, tu decus Historie.

R. V.

*Ad eundem Heroum Auctorem.*

DVM magnos animos, dum fortia pectora Gentis,

Dum canis HEROVM praelia, facta, fidem;

Numine quod Pallas fingit, dum carmine pingis;

Tu te nobilitas, nobilitasque Tuos.

AL. HUMILI.

AD EVMDEM.

VIX benè prodierant nobis longo ordine Reges

Albini, ornatu lionina clara novo,

Cum subito majora ferè moliris, & audet

Enthea vis diæ semina mentis agens,

Illustres animas, Regum Comitesque, Ducesque,

Æternis Famae concelebrare notis.

Hos sua vel Pietas, vel fortis robora dextra

Commendant, Titulis utraque fulta tuis.

Et meri-

Et meritò ante alios claro splendore coruscant,  
 Quorum operà inter nos Religio alma Tiget.  
 Ergò tuis hos Semideos modò Regibus addis,  
 Ceu post mortales, Nionina prima, deos.  
 Romule nunc non invideo tibi; non tibi Cæsar,  
 Quos sua plebs stolidè credidit esse deos;  
 Scotica cùm videam jam certius insita cælo  
 Sidera, Parrhasi lamiña celsa Poli.

IOH. ECHLINVS.

## AD EVMDEM.

OLIM dispositis spatiosa per atria ceris  
 Romanus prius ordine tulit avos.  
 Rancida sed pictis caries inimica tabellis  
 Tantorum attrivit Symbola clara Ducum.  
 Cæsaris & magni valido subnixæ colosso  
 Effigies blattis præbuit hospitium.  
 At tibi consultum melius, lectissima Pubes  
 Scotigenium, Proceres, nomina magna, Patres.  
 En cape, si cupias: chartæ magis ære perennes  
 Obiiciunt oculis stemmata dia tuis.  
 Quæ non tempus edax, neque vulnera lentæ verentur  
 Cimicis, aut cynicæ classica tana tube.  
 Quæ liceat, ludas Pictor minioque rubenti  
 Effingas animæ corpus inane sue.  
 Tu IONSTONE refer patrias spirantia dotes  
 Pectora, & æternis subvehe in astra modis.  
 Quæ neque Praxiteli, neque SCOTIA debet Apelli,  
 Debebit Musis auctior illa tuis.

HENR. DANSEKINVS.

FINIS.

REPRODUCED FROM THE COPY IN THE  
HENRY E. HUNTINGTON LIBRARY

FOR REFERENCE ONLY. NOT FOR REPRODUCTION